

脈義簡摩卷一

皖南建德周學海潛初甫撰輯

婦科診畧

大婦人常脈

凡婦人脈常欲濡弱於丈夫也。千金翼方

大脈之大小緩急。根於性氣者也。女脈弦長多悍。洪滑多淫。右尺洪數。與左寸相應。或左關長出寸口。氣來上擊者。恆主多欲未遂。大率女子體靜。氣陰。脈宜畧沈而靜。其形柔軟爲佳。若有一部獨乖。本於稟賦者。卽非美質。脈如日乍浮乍沈。乍遲乍疾。稍兼虛散而數者。問無別證。卽與人期約私會也。是未必然。

脈義簡摩卷

皖南建德周學海潛初甫撰輯

婦科診畧

大婦人常脈

凡婦人脈常欲濡弱於丈夫也。千金翼方

大脈之大小緩急。根於性氣者也。女脈弦長多悍。洪滑多淫。右尺洪數。與左寸相應。或左關長出寸口。氣來上擊者。恆主多欲未遂。大率女子體靜。氣陰。脈宜畧沈而靜。其形柔軟爲佳。若有一部獨乖。本於稟賦者。卽非美質。脈如日乍浮乍沈。乍遲乍疾。稍兼虛散而數者。問無別證。卽與人期約私會也。是未必然。

男子脈在關上。女子脈在關下。故男子尺脈恆弱。女子尺脈恆盛。是其常也。反者。男得女脈爲不足。病在內。女得男脈爲有餘。病在四肢。左得之病在左。右得之病在右。隨脈言之。此之謂也。難經十九

魂魄穀神。皆見寸口。左主司官。右主司府。左大順男。右

大順女。脈經

經曰。左右者陰陽之道路也。左爲陽。右爲陰。男脈左大。女脈右大。夫復何疑。然他書多言左主血。右主氣。女血盛。故左大。男氣盛。故右大者。何也。蓋男右女左者。以血氣之本體言之。卽以脈之形狀言之也。男左女右者。以陰陽之升降言之。卽以脈之來去言之也。



故脈經專取寸口言之。來去之盛衰最顯於寸部也。他書蓋取尺中言之。形體之虛實最重於尺部也。丹溪於脈經不得其解。以醫者之左右手釋之。豈非離遁之詞耶。又有以妊娠之男女言者。於本文上下亦乖。

張石頑曰。古人雖有女子右脈常盛。及女脈在關下之說。要非定論。何夢瑤曰。古謂女脈左大於右。驗之不然。蓋人右手比左手畧大。故脈亦應之而右大於左也。按右大於左者。因人右手常勞於左。故其氣強於左也。卽女尺恆盛亦不過尺寸平等。不似男脈尺弱於寸耳。非能更盛於寸也。

經月不調雜病脈證

婦人左關尺忽洪大於右手者。口不苦。身不熱。腹不脹。

此經將至之時也。醫存

月事不來者。胞脈閉也。胞脈者。屬心而絡於胞中。今氣上迫。肺心氣不得下通。故月事不來也。素問評熱病論

此外熱邪風所灼也。宜滋養心液。清降肺氣。

二陽之病發心脾。有不得隱曲。女子不月。其傳為風消。

其傳為息賁者。死不治。陰陽別論

此憂思鬱結所致也。

前節為外因。此節為內因。

二陽胃及大腸也。

病者。胃不容納。大腸秘結也。發心脾者。發原於心脾也。有不得隱曲者。憂思之鬱結也。憂愁思慮傷於心。



脾則三焦不通。故上拒於納。下艱於出也。若在女子。則爲不月矣。風消。所謂乾血癆也。息賁。胸膈氣結而喘。如肺積也。

腎脈微濇爲不月。

靈樞邪氣藏府病形篇
微未甚也。

尺脈滑。血氣實。婦人經脈不利。男子溺血。宜服朴硝煎。大黃湯。下去經血。

前節爲虛閉。此節爲實閉。

內經曰。緩而滑曰熱中。脈經曰。尺脈滑而疾。血虛。慎柔五書曰。脾經溼熱盛。則克腎水。尺脈滑者。土厚而水壅也。故以朴硝大黃下之。已上四節。病因與脈。大概盡矣。

左手關後尺中陽絕者。無膀胱脈也。苦逆冷。婦人月使。

不調。王月則閉。男子失精。尿有餘瀝。刺足少陰經。治陰。

右手關後尺中陽絕者。無子。戶脈也。苦足逆寒。絕產。帶。

下。無子。陰中寒。刺足少陰經。治陰。

王月。膀胱寒水。王月。是仲冬也。

左手關上脈陰虛者。足厥陰經也。病苦脇下堅。寒熱。腹。

滿。不欲飲食。腹脹。悒悒不樂。婦人月經不利。腰腹痛。

從寸口邪入上者。名曰解脈來至。狀如琴絃。苦少腹痛。

女子經月不利。孔竅生瘡。男子病痔。左右脇下有瘡。經脈

有病胸脇支滿者。妨於食。病至則先聞腥臊臭。出清液。

先唾血。四肢清。目眩。時時前後血。病名爲何。何以得之。

岐伯曰。病名血枯。此得之年少時。有所大脫血。若醉入。

房。中氣竭。肝傷。故月事衰少不來也。治之奈何。曰。以四。



烏鰂骨。一蘆茹。二物并合之。丸以雀卵。大如小豆。以五

丸爲後飯。飲以鮑魚汁。利傷中。腸中一作及傷肝也。素問腹中論

此與下節病證畧同而更重。下爲墜墮而畜血。屬於

實。故肝脈浮沈皆急。此爲大脫血。屬於虛。觀於中氣

竭。肝傷。是損及血分。肝脈虛散。可知也。男女破身太

早。有患此者。

肝脈沈之而急。浮之亦然。苦脇下痛。有氣支滿。引少腹

而痛。時小便難。苦目眩。頭痛。腰背痛。足逆寒。時癢。女子

月信不來。時無時有。得之少時有所墜墮。

脾脈沈之而濡。浮之而虛。苦腹脹煩滿。胃中有熱。不嗜

食。食而不化。大便難。四肢苦痺。時不仁。得之房內。月使



不來。來而頻併。脈經

來而頻併。無定期也。脾主信。脾虛故爾。

婦人脈寸關調如故。而尺脈絕不至者。月經不利。當患少腹引腰絞痛。氣積聚。上又胸脇也。巢氏

統觀諸文。凡月事不調。未有不胸脇支滿腰腹脹痛。目眩頭痛者。大概實者多痛。虛者多脹也。

已上諸文。率推原月使不調之因。竊嘗深維其義。病之處所。在於肝腎。病之根原。在於心脾。而旋轉之樞紐。則全在肺也。繆仲醇謂白微爲調經聖藥。白微清降肺氣者也。氣逆降而降之。氣陷宣而降之。血實決而降之。血虛補而降之。血寒溫而降之。血熱清而降之。

之。未。有。肺。氣。調。而。月。使。不。調。者。也。未。有。肺。氣。不。調。而。月。使。調。者。也。昔。人。或。注。意。腎。或。注。意。脾。雖。皆。屬。喫。緊。而。不。理。肺。氣。仍。是。無。效。肺。氣。不。調。半。由。肝。熱。半。由。脾。小。溼。也。

脈微而澇。血氣俱虛。年少者。亡血也。乳子下利爲可。不者。此爲居經。三月一來。脈經下併同。

寸口脈。衛浮而大。榮反而弱。浮大則氣強。反弱則少血。孤陽獨呼。陰不能吸。二氣不停。不停也。衛降榮竭。陰爲積。

寒。陽爲聚熱。陽盛不潤。經絡不足。陰虛。陽往。故令少血。時發洒淅。咽燥。汗出。或溲稠數。多唾涎沫。此令重虛。津液。漏洩。故知非。軀畜煩滿。血月稟一經。三月一來。陰盛。

則瀉名曰居經

畜煩二字未曉

寸口脈微而濇微則衛氣不足濇則血氣無餘衛不足其息短其形燥血不足其形逆營衛俱虛言語謬誤跌陽脈微而濇微則胃氣虛虛則短氣咽燥而口苦胃熱濇則失液少陰脈微而遲微則無精遲則陰中寒濇則血不行此為居經三月一來

婦人經一月再來者經來其脈欲自如常而反微不利不汗出者其經二月必來

謂必閒月至第二月始能來也

醫存曰婦人脈奕如常雖經水或前或後或多或少或一月未來皆不成經病又曰婦人有兩月而經一行者有三月而一行者有一生不行經者皆由稟賦



無妨生育。又有懷孕後逐月行經者，亦稟賦然也。夫兩三月而經一行，及一生不行經者，凡病不宜過涼。其血及破其血，孕後逐月行經者，凡病皆宜清血熱，兼固中氣。又有倒行經者，每月依期鼻衄而不下行，多由血熱而下，有寒溼也。多行者，肝不攝，脾不舉也。逆行者，腎不納，肺不降也。婦人來脈，反得微瀼，法當吐若下利，而言不，因言夫人年幾何。夫人年七七四十九，經水當斷，反至今不止，以故致此虛也。

婦人來診，言經少不如前者，何也。曰：曾更下利，若汗出，小便利者，可。何以故。曰：亡其津液，故令經少。設經下反多於前者，當所困苦，當言恐大便難，身無復汗也。

脈浮。汗出者。必閉。

寓意草曰。楊季登長女及笄。經閉踰年。發熱。食少。肌削。多汗。嘉言診之曰。此證可療。處全在有汗。汗亦血也。設無汗而血不流。則皮毛槁死矣。宜用極苦藥。斂血入內。下通衝脈。於是以龍薈丸。兩月而經水大至。諸證全瘳。次女亦病。多汗。食減。肌削。診時手閒筋掣。肉顫。始以爲大驚大虛之候。治以溫補。畧無增減。繼見面色時赤時黃無定。知有邪祟。附入藏府。於是以犀角。羚羊角。龍齒。虎威骨。牡蠣粉。鹿角霜。人參。黃芪。合末。以羊肉半斤。煎濃汁。調末。一次盡服之。竟愈。

婦人常嘔吐而胃反。若常喘。一作多睡其經必斷。設來者。必

少。

婦人血下。咽乾而不渴。其經必斷。此榮不足。本有微寒。故不引飲。渴而引飲者。津液得通。榮衛自和。其經復下。

右並出

脈經

肝心脈弦緊而疾。肺脈浮而大。尺澤鬱鬱不散。月候不

通。大府秘熱。兩足痛不能行。肌肉消瘦。漸如馬藍節。

六脈弦緊而長。心脈洪大而實。尺脈結。月經不通。時常

淤怒。不得安處。淤怒即鬱怒也忽忽似顛狂。夜不睡。小便赤。大

府如常。或下鴨溏。

肝脈虛弦而長。按之無骨力。心脈動而疾。肝邪傳心。日

夜煩躁。或如顛狂。不得眠睡。肝主疏泄。肝邪傳心。疏泄太過。故見諸證。



六脈大而沈。肝脈橫。肺脈浮。主婦人血熱。血候行少。背
上非時。有一片發熱。口無津液。或兩三月一次。或半年
不行。或止些小黑血。

六脈沈而洪大。重手取之。其深至骨。隱隱然。應指有骨
力來。疾去遲。至數與常人無異。但胃脈亦洪大。上隔有
伏涎。此為血澀。生積。當經候不快。或不行。腰痺。口乾而
渴。背逆。脹眼睛逆。兩臂重。缺盆逆。大府祕。心憎。煩夜不
得眠。

六脈疾大虛急者。大為風。浮血溢。急為尺澤有寒。或因
經候行時。或因產後喫生冷不相當之物。或產後早起
傷風。血氣俱病。臨經行時。忽先氣痛。或小腹急痛。

心脈芤。肝脈虛。尺澤微細。血海虛損。經候過多。或成片流下。不可禁止。

六脈皆沈。肝脈弱而虛。尺澤細細如縷。又帶澀而遲。肝腎多感寒。伏在子宮。血海虛損。經候過多。小便白濁如米泔。少陰腎脈貫脊而行。背上忽有一片寒冷。口中卽吐清水。

六脈疾大而浮。腎脈急而浮。心脈差洪。血風頭痛。口乾吐痰。痰當作沫

六脈弦大。肝心脈澀而短。尺脈急沈而搏。緣使性多痰怒。傷損肝心正氣。因而積涎。怒則氣逆。涎隨氣上。其狀聞得。心前昏悶。潰亂不快。聞猶覺也遂有一塊之物。上觸到



咽喉。卽手足俱冷。口禁不開。不省人事。卽所謂中氣也。

六脈弦大而疾。尺脈亦弦而動。泛泛不絕。經候過多。七八日不止。皆下鮮血。此非虛。不可補。止可涼風。血緣風盛。血散。然久而不止。卽肝氣脫血。右竝出史載之。

婦人月經不利。脈絕小。實者生。浮虛者死。

凡血熱者。經多先期而至。然須察其虛實。不可以假火作真火也。若形證無火而經早者。乃心脾氣虛。不能固攝而然。若一月二三至而無定期者。此氣血敗亂之證。當隨其寒熱而調治。

凡血寒者。多後期而至。然常有陰火內爍。血本熱而亦過期者。此水虧血少。燥澀而然。治宜清火滋陰。

又有以血質之濃淡分寒熱者。較以先期後期分者。畧爲有準。大抵血濃却勻淨。不成衄。色鮮妍。臨期無腰痛腹痛諸證者。氣血俱調之婦也。若下過多者。血熱也。血濃成衄。帶紫色。下多者。此血實氣虛也。氣不健運。故血多而成衄也。成衄帶紫黑色。下少者。此血熱氣寒也。因寒束於外。熱鬱於內。血不得行。爲熱煎熬。故成衄帶黑。又下少也。色深黑成衄而下少者。血敗氣虛也。色畧淡而下多。不成衄者。有水氣也。若下過少者。血虛也。色淡中帶黑。衄下少者。氣血俱寒也。色極淡如屋漏水者。虛寒之極也。故以多少定虛實。以濃淡定寒熱。往往可信。

凡經有不調而證見不足者皆不可妄行剋削及寒涼等劑再傷脾腎以伐生氣。

經行腹痛證有虛實實者或因寒滯或因血滯或因氣滯或因熱滯虛者有因血虛有因氣虛然實痛者多痛於未行之前經通而痛自減虛痛者多痛於既行之後血去而痛未止或痛益甚大都可按可揉者為虛亦為熱

拒按拒揉者為實亦為寒有滯無滯於此可察但實中有

虛虛中有實全虛全實不多見也當於形氣稟質兼而辨之右並出景岳

有初按快久按不快輕按快重按不快者即虛實兼證也難經曰內痛外快為內實外虛外痛內快為外

實內虛

前謂調經。重在理肺。是指月水不來也。若來常先。期或一月兩行者。則又由肝氣之疏泄太過也。疏泄太過。有由土溼。木鬱。有由土虛。木陷。有出水。枯。木散。有由水寒。木沈。治之。或宣。或舉。或溫養。各視其本也。

經水適來。適斷。熱入血室。誤汗。誤觸房室。諸脈證。婦人中風發熱。惡寒。經水適來。得之七八日。熱除。脈遲。身涼。胸膈下滿。如結胸狀。其人譫語。此爲熱入血室。當刺期門。隨虛實而取之。

婦人中風。七八日。續有寒熱。發作有時。經水適斷者。此爲熱入血室。其血必結。故使如瘧狀。發作有時。小柴胡

湯主之。

婦人傷寒發熱。經水適來。晝日了了。暮則譫語。如見鬼狀。此爲熱入血室。治之無犯胃氣。及上二焦。必當自愈。陽明病下血而譫語。此爲熱入血室。但頭汗出者。當刺期門。隨其實而寫之。漑然汗出者則愈。

言周身漑然汗出也。

陽明病熱入血室而譫語。男子亦有之。

右竝出脈經。

大抵挾血之脈。乍瀆乍數。或沈伏。血熱交併。則脈洪盛。男子多在左手。女子多在右手也。

楊仁齋論熱入血室。

按熱入血室。則心液枯乾。神機不靈。故證見譫妄。脈多洪散也。亦有因津液不滑。血結而氣亦鬱。脈來滑動。搏擊見於中。沈之分。或細小。數疾見於中。沈之分。

者氣鬱故膈滿如結胸也此脈多見於左手寸關而
右手多見浮大與溫熱病相似凡洪散者治宜生津
以活血細滑者宜理氣以活血葉天士於此證不用
柴胡謂耗肝陰不爲無見徐靈胎斥之何耶又熱入
血室多恐發斑疹慎用清涼勿閉其邪大法以涼散
輕揚爲主。

婦人病經水適下而發其汗則鬱冒不知人何也師曰
經水下故爲裏虛而發其汗爲表復虛此爲表裏俱虛
故令鬱冒也。

婦人病如癩疾鬱冒一日二十餘發師脈之反言帶下
皆如師言其脈何類何以別之師曰寸口脈濡而緊濡

則陽氣微緊。則營中寒。陽微衛氣虛。血竭凝寒。陰陽不和。邪氣舍於營衛。疾起少年時。經水來。以合房室。移時過度。精感命門。開經下血虛。百脈皆張。中極感陽動。微風激成寒。因虛舍營衛。冷積於丹田。發動上衝。奔在胸膈。津液掩口入。涎唾涌溢出。眩冒狀如厥。氣衝髀裏熱。粗醫名爲顛灸之。因大劇。右俱出脈經。後篇血厥證。

帶下崩漏脈證

附吐血下血。與此參看。

帶下者。崩漏之總名也。世以輕爲帶。暴爲崩。久爲漏。

婦人帶下六極之病。脈浮則爲腸鳴腹滿。緊則爲腹中痛。數則爲陰中癢。洪則生瘡。弦則陰疼掣痛。

有一婦人年五十所病。但苦背痛。時時腹中痛。少食多厭。喜臙脹。其脈陽微。關尺小緊。形脈不相應。願知所說。

師曰。當問病者飲食何如。假令病者言。我不欲飲食。聞穀氣臭者。病在上焦。假令病者言。我多少爲欲食。不食亦可。病在中焦。假令病者言。我自飲食如故。病在下焦。爲病屬帶下。治之。

婦人帶下。經水不利。腹滿痛。經一月再見。土瓜根散主之。

婦人帶下。脈浮。惡寒。漏下者。不治。右並脈經

婦人六脈沈細而急。左尺微而緊。應指如縷而轉。連及肝脈。按之卽結而散。此胞精不足。當久患敗血。赤白帶下。若動而數。更加以短。卽不久傾危。史載之

婦人左關脈忽大動者。必將血崩。右寸氣口脈弦而細。

者為傷中。按吐血漏血皆有傷中也。

許樂泉喉科白腐症治

五崩何等類。師曰：白崩者形如涕，赤崩者形如絳津，黃崩者形如爛瓜，青崩者形如藍色，黑崩者形如衄血。經脈
陰虛陽搏謂之崩。素問陰陽別論

寸口脈弦而大，弦則為減，大則為芤，減則為寒，芤則為虛，寒虛相搏，脈則為革。男子則亡血失精，婦人則半產漏下。旋覆花湯主之。

婦人陷經漏下，下黑不解，膠艾湯主之。

婦人漏血下赤白，日下血數升，脈急疾者死，遲者生。

婦人漏下赤白不止，脈小虛滑者生，大堅實數者死。

從尺邪入陽明者，寒熱也。大風邪入少陰，女子漏白下。



赤。男子溺血。陰痿不起。引少腹疼。邪入陽明。脈外曲也。邪入少陰。脈內的也。婦人年五十所。一朝而清血。二三日不止。何以治之。師曰。此婦人前絕生。經水不下。今反清血。此爲居經。不須治。當自止。經水下常五日止者。五日愈。清血。便血也。婦人年六十所。經水常自下。設久得病利。小腹堅滿者。爲難治。

婦人年五十所。病下利。數十日不止。暮則發熱。小腹裏急痛。腹滿。手掌熱。唇口乾燥。何也。師曰。此病屬帶下。何以故。曾經半產。瘀血在小腹中。不去。何以知之。其證唇口乾燥。故知之。當與溫經湯。

張景岳曰。婦人於四旬外。經期將斷之年。多有漸見

別業集卷一
阻隔。經期不至者。此際慎宜防察。若果氣血和平。素無他疾。此固漸止而然。無足怪也。若素多憂鬱。及溼痰諸患。而見此阻隔。便是崩決之兆。隔淺者其崩尚輕。隔深者其崩必甚。

婦人著坐藥。強下其經。目匡爲痛。足跟難以踐地。心中狀如懸。案六味地黃丸主之。

寸口脈微遲。尺微於寸。寸遲爲寒在上焦。但當吐耳。今尺反虛。復爲強下之。如此發胸滿而痛者。必吐血。少腹痛。腰脊痛者。必下血。

此爲強下所致。非崩漏也。以形證相近而類附之前三節。非崩漏而實與崩漏一體也。此二節似崩漏而

實與崩漏異原也。

吐血有因經水逆行。每月依期從口鼻出者。治宜降

肝逆。疏肺壅。清養胃液。仍溫固下元。

血上出者。下不受也。

血結血厥。血分脈證。

俱出脈經。

婦人少腹滿。如敦狀。小便微難。而不渴。生後者。此為水

與血并結在血室。大黃甘遂湯主之。

又尺脈濇。堅。血結胞中。詳下篇。

婦人病苦氣上衝胸。眩冒吐涎沫。脾裏氣衝熱。師脈之

不名帶下。其脈何類。何以別之。師曰。寸口脈沈而微。沈

則衛氣伏。微則榮氣絕。陽伏則為疹。陰絕則亡血。病當

小便不利。津液閉塞。今反小便通。微汗出。沈變為寒。欬

逆嘔沫。其肺成痿。津液竭少。亡血損經絡。因寒為血厥。



手足苦痺。氣從丹田起。上至胸脇。沈寒怫鬱於上。胸中窒塞。氣歷陽部。面翕如醉。形體似肥。此乃浮虛。醫反下之。長鍼復重。虛榮衛。久發眩冒。故知爲血厥也。

病有血分。何謂也。師曰。經水前斷。後病水。名曰血分。此病爲難治。

病有水分。何謂也。師曰。先病水。後經水斷。名曰水分。此病易治。何以故。去水。其經自當下。

寸口脈沈而遲。沈則爲水。遲則爲寒。寒水相搏。趺陽脈伏。水穀不化。脾氣衰則驚漉。胃氣衰則身體腫。少陽脈革。一作卑少陰脈細。男子則小便不利。婦人則經水不通。

經爲血。血不利則爲水。名曰水分。一作血分



寸口脈沈而數。數則爲出。沈則爲入。出則爲陽實。入則爲陰結。跌陽脈微而弦。微則無胃氣。弦則不得息。少陰脈沈而滑。沈則爲在裏。滑則爲實。沈滑相搏。血結胞門。其藏不瀉。經絡不通。名曰血分。當與下篇尺脈瀉堅血結胞中參看

跌陽以候胃氣。少陰太谿以候腎氣。今婦科無此診法。喻嘉言以右關當跌陽。兩尺當少陰。張石頑陳修

園俱從其說。

寸口脈微而弱。氣血俱虛。若下血嘔吐汗出者可。不者。跌陽脈微而弱。春以胃氣爲本。吐利者可。不者。此爲水氣。其腹必滿。小便則難。前不者是歇後語。

脈濡而弱。弱反在關。濡反在巔。遲在上。緊在下。遲則爲



寒名曰渾。陽濁則溼。名曰霧。緊則陰氣慄。脈反濡弱。濡則中溼。弱則中寒。寒溼相搏。名曰痺。腰脊骨節苦煩。肌為不仁。此當為痺。而反懷軀。遲歸經。體重以下。二句當有脫誤脚為肘腫。按之沒指。腰冷不仁。此為水懷。喘則倚息。小便不通。緊脈為嘔。血氣無餘。此為水分。榮衛乖亡。此為非軀。遲即合濡弱而言之。上者浮。下者沈也。

疝瘕積聚脈證。

疝瘕積聚非獨婦人。第婦人患者最多。當為婦科一大宗病也。

任脈者。起於胞門子戶。俠臍上行。至胸中而散。帶脈者。起於季肋。迴身一周。任之為病。其內苦結。男子為七疝。女子為瘕聚。帶之為病。苦腹滿。腰溶溶若坐水中。脈經腸覃何如。曰。寒氣客於腸外。與衛氣相搏。氣不得營。因



有所繫。癖而內著。惡氣乃起。瘕肉乃生。其始生也。大如

雞卵。稍以益大。至其成。如懷子之狀。久者離歲。按之則

堅。推之則移。月事以時下。此其候也。靈樞水脹篇下同。瘕肉。氣囊水囊也。

石瘕何如。曰。石瘕生於胞中。寒氣客於子門。子門閉塞。

氣不得通。惡血當寫不寫。衄以留止。日以益大。狀如懷

子。月事不以時下。皆生於女子。可導而下。導。坐導也。

肝脈微緩。為水瘕痺也。滑甚。為癧疝。邪氣藏府病形篇

診婦人疝瘕積聚。脈弦急者生。弱小者死。

尺脈濇而堅。為血實氣虛也。其發病腹痛。逆滿。氣上行。

此為婦人胞中絕傷。有惡血。久成結瘕。得病以冬時。黍

稷赤而死。脈經



脈來中央堅實。徑至關者。衝脈也。動苦少腹痛。上搶心。有疝瘕。

少陰脈浮而緊。緊則疝瘕。浮則亡血。脈經

尺脈緊而動。按之即虛。為癩疝。

肺脈輕弦而虛。胃脈沈濡。腎脈綿軟。肺主少腹。當有形。

腎虛。即成癩疝。史載之

診得心脈而急。此為何病。曰。病名心疝。少腹當有形。何

者。心為牡藏。小腸為之使也。素問脈要精微論 此蓋倉公牡疝之病。急。細勁也。

腎脈大急沈。肝脈大急沈。皆為疝。心脈搏滑急。為心疝。

肺脈沈搏。為肺疝。腎脈小急。肝脈小急。心脈小急。不鼓。

皆為瘕。三陽急為瘕。三陰急為疝。大奇論



脈急者曰疝瘕。少腹痛。又寸口脈沈而弱。曰寒熱。及疝

瘕。少腹痛。

平人氣象論 王冰以沈弱不主疝瘕腹痛。史載之書中辨之。他書亦引作沈而喘。

合觀諸文。癩疝脈多沈搏弦滑。瘕聚脈結澹。或細滑

癩疝者。氣滯於大經。兼累於血。瘕聚者。血窒於細絡。

兼累於氣也。史記倉公論涌疝氣疝。皆曰大而實。大

而數。論遺積瘕。則曰緊小。即此義也。惟牡疝得番陽

脈。入虛裏處。似沈細者。蓋以滯入血分故也。巢氏有

目。見後鬼胎篇。

咽中如有炙腐。脈證

腐一作嚮。此病有數種。俗名梅核氣。

婦人咽中如有炙腐狀。半夏厚樸湯主之。脈經

靈樞邪氣藏府病形曰。心脈大甚。為喉啞。又曰。臆病



者。咽中吟吟然。數唾。中藏經曰。大腸虛。則咽喉中如核妨矣。脈經又曰。右手氣口以前脈。陰實者。肺實也。咽中塞。如欲嘔狀。陽實者。大腸實也。咽喉中如核狀。又曰。尺部小滑者。厥也。足下熱。煩滿。逆上。搶心。上至喉中。狀如惡肉。脾傷也。而史載之。又謂病本於肝。蓋肝氣鬱結。滯於血分。久而上逆。肺胃從之。故痰涎常逆於咽中。而不通利也。治法不但理氣。竝宜理血。

按曰。心脈大。曰肺實。曰大腸實。皆脈見兩寸者也。又積聚篇曰。脈來細而附骨者。積也。寸口積在胸中。微出寸口。積在喉中。夫喉中何積。炙腐是也。細而附骨。形必弦勁可知矣。又曰。橫關入寸口中者。膈中不通。

喉中咽難刺關元蓋氣之上逆皆由於下不容納且咽喉諸病多關少陰也金匱水氣篇曰寸口脈沈而緊沈爲水緊爲寒沈緊相搏結在關元榮衛相干陽損陰盛腎氣上沖咽中窒塞狀如炙肉脇下急痛此所謂時著男子非止女身者也治法詳金匱痰飲篇中桂苓味甘加乾薑細辛也又少陰脈絡咽腎陰不能上朝絡中燥急遂覺咽中窒礙矣故虛勞多見此證時時似咳但不必盡如炙肉素問欬論心欬之狀喉中介介如梗狀王漢皋亦謂始覺如樹皮草葉一片附於喉內而滯澇不疼俗名梅核氣因事不遂心肝鬱脾傷三焦火結上炎於喉也男婦皆有之其脈

兩關或浮或沈。必細數而促。尺寸亦因之不揚。上下各見熱證。每用逍遙散。陽和湯。加減愈之。

人有病肝藏風壅。積涎所聚。伏膈閒。口乾而膠。食即惡心。全惡肉味。心躁不安。夜臥不得。咽喉隔塞。如物抵築。多喘。或是唾診其脈。六脈皆大而沈。伏重。手取之隱隱然。骨閒乃得。再再尋之。來疾去遲。宜用治涎藥。荊芥穗。天南星。防風。羌活。殭蠶。連翹。麻黃。荷葉。乾蝎。半夏。等分細末。每以三錢水煎。食遠服之。

又有人得此涎候。卻緣久病而虛。又誤服熱藥。或元氣本虛。六脈大而無骨力。卻浮洪而數重。手按之則浮指。而虛有表無裏。却不宜用前方。此病難治。當用人參半

兩南星防風獨活麻黃天麻枇杷葉半夏僵蠶薏苡仁
治之仍宜時時以補藥助其元氣而徐以此壞涎藥撓
之史載之

前節實證卽脈經所謂如有炙腐者也後節虛證似
內經所謂傳爲息賁者也明者詳之用藥貪用辛燥
是蜀人習氣恐未盡合近治一孀婦脈象證候全如
史載之前節所云重以朝食暮吐完穀不化時時欲
咳左脇內痛治以辛溫則病益甚後重用竹茹煎水
卽以此水煎白芍赤芍丹皮半夏厚樸桂枝吳萸鬱
金桃仁秦艽川芎治之然得藥則病愈停藥則病起
至今未能斷根也

臟燥脈證

婦人藏燥喜悲傷欲哭狀如神靈所作數欠甘草小麥湯主之。脈經

燥屬秋氣秋氣清肅故悲傷欲哭也治宜溫潤肝脾以存養肺氣則病愈。

醫存曰孕婦喜笑怒罵如見鬼神非顛狂也乃臟燥古用棗十枚甘草一兩小麥三兩真乃神驗余嘗用此方治男婦室女無端而病如顛狂者隨手皆應乃知古人制方之神奇也。

金匱中風門防已地黃湯治病如狂狀獨語不休無寒熱其脈浮此亦藏燥之類也言爲心聲肝又主語

獨語不休。心火不揚。肝被肺抑也。寒水凌心。其證亦同而尤急。李葉二案附覽。

李東垣曰。悲愁不樂。情常慘慘。健忘。或善噫。此風熱大損。寒水燥金之復也。六脈中。之下。得弦細而澹。按之空虛無力。此大寒證。亦精氣傷。宜辛甘溫熱滑潤之劑。瀉西方北方。薑附湯主之。與理中丸間服。

葉天士案曰。悲驚不樂。神志傷也。心火之衰。陰氣乘之。則多慘戚。主大建中湯。此亦火衰金亢之義也。與李案同。蓋寒水凌心。其證如此。故內經太陽司天之勝。有喜悲數欠證也。二案皆冷燥也。

喻嘉言寓意草曰。姜宜人得奇證。依本草經疏治交



腸用五苓散。余見而辨之。交腸者。二便易位而出。五苓專通前陰也。此證二便俱出前陰。況交腸乃暴病。氣驟亂於中。此乃久病。血漸枯於內。二者毫釐千里。此病蓋始於憂思鬱結傷脾。脾傷不能統血。錯出下行。有若崩漏。實名脫營。治宜大補急固。乃認爲崩漏。涼血清火。脫出轉多。高年氣弱。無以實漏卮。於是胞門子戶之血日消。而借資於大腸。大腸之血又消。而仰給於胃脘。久之胃血亦盡。無源自止。幽門闢爲坦途。不能泌別清濁。水穀併歸一路。勢必大腸之故道復通。乃可撥亂返治。況五苓劫陰尤亡血家。深忌耶。是病也。余三指纔下。便問曰。病中多哭泣否。婢媪曰。



時時泣下，乃知藏燥者多泣。大腸方廢而不用也。今

大腸之脈，纍纍指下，可虞者，其棗葉生時乎。此虛燥也。

腹痛陰寒轉胞脈證俱出脈經

妊娠轉胞別見妊娠雜證門

婦人小腹硯磊轉痛而復自解，發作無常，經反斷，膀胱

中結，堅急痛，下引陰中，氣衝者，久必兩脇拘急。

婦人腹中諸疾痛，當歸芍藥散主之。一云治妊娠腹中疼痛

婦人腹中痛，小建中湯主之。一云腹中痛小便利，理中湯主之。

腹痛多由肝氣之逆，而肝氣之逆，又分虛實，實者血

實也，虛者血虛也，實者急切如錐刀，虛者隱隱而脹

滿也，故痛脈多，緊，但以洪細遲數分寒熱虛實而已。

右手關後尺中陽絕者，無子，戶脈也，苦陰中寒。



少陰脈微而弱。微則少。血弱則生風。微弱相搏。陰中惡寒。

少陰脈遲。陰中寒。

婦人陰寒。溫中坐藥。蛇牀子散主之。

問曰。有一婦人病。飲食如故。煩熱不得臥。而反倚息者。何也。師曰。此病轉胞不得溺也。何以故。師曰。此人故肌盛。頭舉。身滿。今反羸瘦。頭舉。中空滅。胞系了戾故也。但利小便則愈。宜服腎氣丸。以中有茯苓故也。

水入膀胱。以氣化而出者也。藏府相絡。皆有系焉。昔肥今瘦。則胞系弛長。俯仰太急。以致胞系繚於別處。有礙膀胱。不得轉也。治宜仍作俯仰之勢。或蹠曲側。

臥左右輾轉則繚者旋釋矣。今用腎氣丸瀉水者以

水滿膀胱脹大胞系益急水去則膀胱縮小而可縱

釋也。然此病男子亦有之。有因私欲不遂窮思極想

肝氣下注而不得洩致小腹脹痛膀胱逼迫而不得

溺者。喻氏寓意草言三焦之決瀆重在膀胱膀胱之氣化權在葆腎腎氣屢動不已膀胱脹滿窒塞

有因過忍小便或忍便行房持重過力盛怒叫呶從

高墜墮致膀胱脹大不得轉動者。有因大便久閉大

腸充實挺互膀胱之後使不得轉。但通大便而小便

自出者皆轉胞之類也。法治不宜全用利水降氣。一婦

產後膀胱蹉失小便不禁日坐灰褥後遇串醫針之而愈以泄其氣則胞系之了戾縱釋而轉正也。

陰吹陰癢陰痛陰瘡陰挺脫下鼠乳脈證



師曰脈得浮緊法當身軀疼痛設不痛者當射云若腸中痛腹中鳴欬者因失便婦人得此脈者法當陰吹。

師曰寸口脈浮而弱浮則為虛弱則為無血浮則短氣弱則有熱而自汗出跌陽脈浮而澁浮則氣滿澁則有寒喜噫吞酸其氣而下少腹則寒少陰脈弱而微微則少血弱則生風微弱相搏陰中惡寒胃氣下泄吹而正喧。

師曰胃氣下泄吹而正喧此穀氣之實也膏髮煎導之婦人帶下六極之病脈浮則為腸鳴腹滿緊則為腹中痛數則為陰中癢洪則生瘡弦則陰疼掣痛。脈經

婦人肝脈洪大而反結澀訣云瀋主婦人敗血若脈洪



大而又伏既云洪大何又伏邪伏者沈也則積塊而血不行久則陰門

腫以厥陰脈絡門而過

腎脈搏而沈陰中溼癢生瘡

肝脈急而沈腎脈小急緊陰癢陰中痛腫史載之

寸口中脈躁竟尺關中無脈應陽干陰也動苦腰背腹

痛陰中若傷足寒脈經下併同

初持寸口中脈如細堅狀久按之大而深動苦心下有

寒胸脇苦痛陰中痛不欲近丈夫也

一婦產後陰中痛每遇丈夫即痛欲死數年自愈此

筋絡傷損有所牽絆也

尺脈牢腹滿陰中急



從寸口中邪入上者名曰解脈來至狀如琴絃苦少腹痛經月不利孔竅生瘡。

少陰脈滑而數者陰中則生瘡。

少陰脈數則氣淋陰中生瘡。

婦人陰中蝕瘡爛狼牙湯洗之。

一婦因暑天行倦息坐石上陰中忽如蟻齧之狀旋即腫痛草野無醫久延翻榴而死。

婦人臧腫如瓜陰中疼引腰痛者杏仁湯主之。

少陰脈弦者白腸必挺核。

據難經白腸卽大腸也此以爲婦陰之稱未曉。

少陰脈浮而動浮爲虛動爲痛婦人則脫下。

師曰。婦人帶下九實中事。假令得鼠乳之病。劇易當劇有期。當庚辛爲期。餘皆倣此。鼠乳謂初乳小鼠也。卽上挺核脫下病。

鼠乳肺病。金氣邪勝。故庚辛當病劇也。故凡病之劇易無定者。察其劇易之期。而知病之在何藏府也。

九實二字恐誤。巢論婦人有九痛七害。內皆列陰中痛傷之病。或九痛七害之誤耶。

跌陽千金方肺藏脈論作太陽脈浮緩。少陽微緊。微爲血虛。緊爲微

寒。此爲鼠乳。其病屬肺。跌陽少陽似當作太陰少陰。指右手寸口尺中兩脈也。

陰中生息肉者。此由胞絡虛損。冷熱不調。風邪客之。邪氣乘於陰。搏於血氣。變生息肉也。其狀如鼠乳。巢氏

巢氏曰。諸蟲在人腸胃。府藏調和。血氣充實。不能爲



害。若經絡勞傷。腸胃虛損。則動作侵食於陰。輕者或
痒。或痛。重者則生瘡也。又曰。陰痛者。有諸蟲。因虛動
作。食陰作痛者。其狀成瘡。其風邪乘氣。衝擊而痛者。
無瘡。但疼痛而已。亦令陰腫也。按諸蟲。皆溼熱之所
成也。不宜利溼。使熱毒之氣。全行下注矣。宜清利宣
疏。以緩治之。

巢氏曰。陰挺下脫者。胞絡損傷。子藏虛。冷氣下衝。令
陰挺出。謂之下脫。亦有因產用力。偃氣而下脫者。又
曰。新產後。帶急舉重。子陰挺出。或傾邪。月水不瀉。陰
中激痛。下寒。令人無子。又曰。陰癢者。或因帶下。或舉
重。或產時用力。損於胞門。子藏。腸下乘而成癢。

又巢氏論婦人八瘕。皆血氣不調之所爲也。其黃瘕曰。少腹陰中如刀刺。不得小便。血瘕曰。陰裏若生風冷。子門癰。月水不利。狐瘕曰。陰中腫。小便難。胞門子戶不受男精。巢氏止論病源。少論脈象。措詞亦繁。今擇其切實曉暢者。附錄於篇末。

無子絕產脈證

右手關後尺中陽絕者。無子戶脈也。苦足逆寒。帶下。陰中寒。絕產無子。

一婦兩手寸關實大弦強。按之不減。兩尺陷伏如無。前經小產。或正產不育。及臀癱足痿。諸病矣。仍常時胸脇支滿。自腰有氣上衝。肩背脹悶。體肥健啖。醫者猶以尺伏爲陰虛。四物加減與之。余力爭不可。其夫



不信恐不出三年。當有痿厥之患也。

脈來中央堅實。徑至關者。衝脈也。動苦少腹痛。上搶心。有瘕疝。絕孕。遺失溺。脇支滿煩也。

師曰。脈微弱而澀。年少得此為無子。中年得此為絕產。

又曰。婦人少腹冷。惡寒久。年少得此為無子。年大得

此為絕產。久者謂常如此。非偶爾也。

少陰脈浮而緊。緊則疝瘕。腹中痛。半產而墮傷。浮則亡

血。絕產。惡寒。

肥人脈細。胞有寒。故令少子。其色黃者。胸上有寒。右出脈經

婦人之脈。陰陽與男子相反。當要尺澤隱隱。來去如一。

和緩不澀不弦。寸口平。方能孕育。若尺澤弦急。肝脈動



心脈疾。或六脈澀而不勻。無子。

婦人肺脈盛。肝脈軟而虛。或微而動。心脈亢。肺氣有餘。相刑剋肝。木受金傷。不能生血。月候多少遲速不定。多下不節。以致無子。偶然懷之。又無故墜下。當減其肺。益其肝。

肺脈短濇。盛者。短濇之本氣盛。非洪大也。金傷木者。燥傷血也。減肺益肝。潤燥補血。以養筋也。子藏爲萬筋所細結。寒燥則拘急。溼熱則縱弛。俱不利於孕育也。脈經云。男子脈浮弱而濇。爲無子。精氣清冷。

關尺微細而沈。腎氣虧乏。不能生肝。經候多少遲速不定。不能生子。右史載之。

女子二七而天癸至。任脈通。太衝脈盛。月事以時下。故能有子。七七任脈虛。太衝脈衰少。天癸竭。地道不通。故形壞而無子也。素問上古天真論

半產死胎脈證 雙胎一死一生

婦人懷胎。一月之時。足厥陰脈養。二月足少陽脈養。三月手心主脈養。四月手少陽脈養。五月足太陰脈養。六月足陽明脈養。七月手太陰脈養。八月手陽明脈養。九月足少陰脈養。十月足太陽脈養。諸陰陽各養三十日。活兒。手太陽少陰不養者。下主月水。上為乳汁。活兒養母。懷妊者。不可灸刺其經。必墮胎。

婦人懷妊。三月而渴。其脈反遲者。欲為水分。復腹痛者。



必墮胎。

脈浮汗出者必閉其脈數者必發癰膿五月六月脈數者必向壞脈緊者必胞滿滿一作漏脈遲者必腹滿而喘浮者必水壞爲腫。

言脈浮汗出必非軀也若加數更發癰膿矣五月六月審真是軀也數緊遲浮各有病變焉。

少陰脈浮而緊緊則疝瘕腹中痛半產而墮傷浮則亡血絕產惡寒。

婦人懷軀六七月暴下斗餘水其胎必倚而墮非時孤獎預下也右並出脈經

陽施陰化故得有胎榮衛調和則經養周足故胎得安

而能成長。若血氣虛損。子藏爲風冷所乘。則血氣不足。不能養胎。以致數墮。其妊娠而恆腰痛者。喜墮胎也。巢

氏

凡胎孕不固。無非血氣傷損。蓋氣虛則提攝不固。血虛則灌溉不周。且懷胎十月。經養各有所主。所以屢見小產者。多在三月。或五月七月之間。下次之墮。必復如期。正以先次傷此一經。再值此經。則遇缺不能過耳。故凡治墮胎者。必先察此養胎之源。而預培其損。若臨期。則無及矣。張景岳

半產之後。其將養當過於正產十倍。正產止血藏空虛。半產卽肌骨腐爛。或誤服藥餌。或寒邪熱毒所傷。或扶

輕舉重。或跌仆金瘡。胎藏損傷。胞系腐爛。然後其胎墜下。當養其藏氣。生其肌肉。庶可平復也。史載之

慣墮胎者。固多因閃跌。亦有幼時常患泄瀉。以致氣虛。平常多汗。正氣愈怯。及孕則氣不攝胎。稍有不慎。隨即

腰痛下血。傷墮矣。醫存

閃跌胎脈。亦沈洪而滑。但加以結促耳。結則腹痛。促則痛甚。亟須安胎。宜四物加黃芩。知母。杜仲。續斷。參朮之類。忌用峻劑。熱性。轉能動血也。若脈促而數。必已下血矣。其胎必墮。亟於前藥加阿膠。艾葉止之。書有成方。皆可選用。醫存

閃跌下血時。六脈重取。細緩而不洪滑。兩尺沈弱而無



神是已。小產而無胎也。若六脈不勻而有力。右尺強壯。腹雖疼而胎未傷。醫存

胎死腹中。其脈洪大而沈。尺澤當溢透下部。不澀不絕。卽無畏也。謂胎未下。當氣滿實。所以洪大而沈。又溢寸過若澀而短。卽死。史載之

寸口脈洪而濇。洪則爲氣。濇則爲血。氣動丹田。其形卽溫。濇在於下。胎冷若冰。陽氣胎活。陰氣必終。欲別陰陽。其下必彊。假令陽終。畜然若杯。脈經

寸口脈浮洪而沈濇。洪者氣有餘。濇者血不足。凡妊娠。必陽氣動於丹田。脈見沈洪。始能溫養胎形。今濇在沈候。是陽氣上越。胎冷若冰矣。蓋胎得陽氣則活。



得陰氣則絕。欲別陰陽。必其脈之沈候。洪彊始爲陽氣而胎活也。假令沈候陽氣衰絕。則畜然若杯。頑塊而已。謂胎必死也。或本非胎。是痞塊也。

問曰。婦人妊娠病。師脈之。何以知此婦人雙胎。其一獨死。其一獨生。而爲下其死者。其病卽愈。然後竟免軀。似不續其脈何類。何以別之。師曰。寸口脈衛氣平。調榮氣。緩

舒。陽施陰。化精盛有餘。陰陽俱盛。故知雙軀。今少陰微緊。血卽濁凝。經養不周。胎則偏天。小腹冷滿。膝臏疼痛。腰重起難。此爲血痺。若不早去。害母失胎。脈經

婦人有胎。腹痛。其人不安。若胎病不長。欲知生死。令人摸之。如覆杯者。則男。如肘頭參差起者。女也。冷在何面。

脈經
冷者爲死。溫者爲生。

胎動不安者。多因勞役氣力。或觸冒冷熱。或飲食不適。或居處失宜。輕者止轉動不安。重者便致傷墮。若其母有疾以動胎者。治母則胎安。若其胎有不牢固。致動以病母者。治胎則母瘥。若傷動甚者。候其母面赤舌青者。兒死。母活。母唇口青。口兩邊沫出者。母子俱死。母面青舌赤。口中沫出。母死。子活。巢氏

寓意草曰。顧季掖乃室。孕已五月。因下血。勉服固胎藥。身腫氣脹。血逆上奔。食入卽痛楚而吐。咸以爲胎氣也。診其脈。尺部微瀼。肺部洪大。手臂青紫。腫亮。若毆傷色。夫肺脈洪大。飲食卽吐。此必肺生癰也。尺脈

微瀉。遍身青腫。此必胎久腐也。因主清肺。用瀉白散。加芩桔以開之一劑。而腹痛墜如產。二劑而下白汗。數斗。裹朽胎而出。畧無血點相閒。旬餘氣平腫消而愈。始終以清肺爲主也。朽胎方下時。忽大喘可畏。設先用峻劑。硝黃下之。此時亦恐氣脫不返矣。

夢交鬼胎怪胎脈證

凡人藏府調和。則血氣充實。風邪鬼魅不能干之。若榮衛虛損。則精神衰弱。妖魅鬼精得入於藏。狀如懷娠。故曰鬼胎也。巢氏

婦人與鬼交通者。藏府虛。神守弱。故鬼氣得憑之也。其狀不欲見人。如有對忤。獨言笑。或時悲泣。是脈來遲伏。

或如雀啄。皆邪物病也。又脈來綿綿。不知度數。而顏色不變。此亦病也。巢氏

婦人夢與鬼交通者。亦由藏府氣弱。神守虛衰故也。巢氏

有一婦人來診。因言陰陽俱和。調陽氣長。陰氣短。但出不入。去近來遠。故曰反。以為有軀。偏反血斷。斷來幾日。假令審實者。因言急當治。恐經復下。設令宮中人若寡婦。曾夜夢寐交通邪氣。或懷久作癥瘕。急當治下。服耳湯。設復不愈。因言髮湯當中下胎。脈經 反。脈名。詳後

此言脈但出不入者。非軀也。或經閉。或鬼胎。總宜治下之耳。湯髮湯。殆下胎方也。

脈得諸朮動微緊。男子失精。女子夢交。桂枝龍骨牡蠣

湯主之。金匱虛勞門。

兩尺乍大乍小。乍有乍無。或浮或沈。早暮不同者。鬼胎也。須連視二三日。乃可見。宜補氣活血。溫養脾胃。則經自通。若脈來疾如風雨。亂點。忽然而去。久之復來如初者。即巢氏所謂雀啄也。是夜又胎也。亦有左關脈兩歧。而產夜叉者。總之與平常之脈不類也。三昧

此恐是從崇脈附會來。吾聞鬼胎之義。由其人陽氣之衰。則亦當見病脈。而不當見怪脈也。但爲鬼物憑附者。亦當有異。今將崇脈列后。以便覽。

兩手陽脈浮之細微。綿綿不可知。俱有陰脈。亦復細綿。此爲陽躄陰躄之脈也。此家曾有病鬼魅風死苦恍

忽亡人爲禍也。脈經

脈有表無裏邪之所止得鬼病也。何謂有表無裏寸尺爲表關爲裏兩頭有脈關中絕不至也。脈經

脈來乍大乍小乍短乍長者爲崇。洪大嫋嫋者社崇。沈

沈澤澤。

巢氏作濇濇

四肢不仁而重者土崇。

脈經

土一作

按此節下云脈與肌肉相得久持之至者可下之。弦小緊者可下之。緊而數寒熱俱發必下乃愈。弦遲者宜溫藥。緊數者可發其汗。似是歷言治崇之法。蓋邪崇之來必因人身之病去其病而崇自退矣。未知是。否。待質高明。

病似傷寒惡寒發熱初得病便譫語六部無脈大指之

下。寸口之上。有脈動者。名鬼脈。傷寒補天石

婦人榮衛經絡斷絕不通。邪氣便得往。入合於藏。若經血未盡。而合陰陽。卽令婦人血脈攣急。小腹重急。支滿胸脇。腰背相引。四支酸痛。惡血結牢。月水不時。因生積聚。如懷胎狀。令人恍惚多夢。苦寒熱。四支不欲動。陰中生氣。腫內生風。甚者小便淋瀝。澹痛。不復生子。其八痕者。黃青燥血。脂狐蛇鼈也。黃痕者。左脅下牢結。不可得按。小腹陰中如刃刺。令人無子。青痕者。右脅藏於背脊。上與髀髀腰下攣。兩足腫。月水不通。或不復禁。令人少子。燥痕者。因其人虛憊。夏月勞極。汗出。飲冷。血結。所成大如半杯。腹中芒痛。兩脅下上引心而煩。喜盜汗。小便

自出。及失精。月水閉塞。大便難。令人少子。血瘦者。橫骨
 下有積氣。牢如石。陰裏若生風冷。子門搦。令人無子。脂
 瘦者。腰背如刺。四支不舉。左右走腹中切痛。膀胱脹。大
 小便血不止。令人無子。狐瘦者。陰中腫。小便難。胞門子
 戶不受男精。如有娠狀。終身無子。其瘦有手足成形者。
 殺人也。未成者可治。蛇瘦者。上食。心肝長大。其形若漆。
 在臍上下。還疔左右脅。不得氣。不復生子。其手足成形
 者。殺人也。未成者可治。漆字未曉鼈瘦者。大如小盤。腹痛。按
 之躍手。令人無子。其手足成形者。殺人也。未成者可治。

巢氏

婦人脈如孕。尺脈亦絕。與孕無殊。謂心脈洪滑。肺脈毛而不浮。肝脈畧橫。而



澀按之不絕尺澤微陷與肝脈微閒但六脈動而不勻胃脈輕帶伏此因經候行次或產後起早竝誤喫生冷傷損氣血俱病因生積聚久而失治變成惡物其狀腹中成塊如蛇鼠如虎如鹿之類以手按之衝手跳起但此病到年深其惡物帶命喫人血盡或絕無經候通行或經候行時只如淡水如此卽傾危人也史載之

夫俗云月家病者因新產未滿一月男女構而成疾也

卽巢氏脂瘦病因也其證經閉或成新孕或成血塊晚夜發熱腹

疼變證多端久則咳咯骨瘦面紅顴熱到七八月後咳

吐腥塊卽不食死矣大約三月以前猶可醫治婦身壯

者先破瘀滯正宜用下胎藥也少愈卽補血氣身弱者



先補中氣兼用行血之藥數劑後。亟破其瘀。畧兼固氣。瘀血既去。卽峻補氣可也。此病總非平平攻消所能應也。醫存

月令曰。仲春之月。雷乃發聲。起居不慎。生子不備。必有凶災。此非其時也。又星露之下。廟宇山林溪澗之間。必招厲氣。此非其地也。又交接不依常理。受孕形體不備。橫生逆產。種種禍患。皆自取也。

經閉血敗。癥瘕勞損。似胎非胎。脈證

問曰。婦人病。經水斷。一二月而反經來。今脈反微瀼。何也。師曰。此前月中。若當下利。故令妨經。利止。月經當自下。此非軀也。

婦人經自斷而有軀。其脈反弦。恐其後必大下。不成軀也。大下者崩也。

婦人懷軀七月而不可知。時時衄血而轉筋者。此爲軀也。衄時噓而動者。非軀也。

脈來近去遠。故曰反。以爲有軀。而反斷。此爲有陽無陰故也。來陽也。去陰也。來近去遠。來短去長也。其象屬沈。有陰無陽。若有陽無陰。當云來遠去近。

胎脈必滑。內經曰。陰陽相過曰溜。溜卽滑也。相過者。浮而能沈。沈而能浮。陰陽兩氣相入。來去高下。停勻也。若來強去弱。去強來弱。卽不能相交矣。李中梓曰。反者來微去大。病在裏也。本仲景平脈。

問曰。婦人妊娠三月。師脈之。反言非軀。今月經自當下。



其脈何類。何以別之。師曰。寸口脈。衛浮而大。榮反而弱。

反退擊之義也。浮大則氣強。反弱則少血。孤陽獨呼。陰不能吸。

二氣不停。不停也。衛降榮竭。陰為積寒。陽為聚熱。陽盛立

不潤。經絡不足。榮行脈中竭故不足。陰虛陽往。陽氣下陷入陰中也。故令少

血。時發洒淅。咽燥汗出。或溲稠數多。唾涎沫。此令重虛。

津液漏泄。故知非軀。畜煩滿泄。月稟一經。三月一來。陰

盛則瀉。名曰居經。此與下節脈義最精。言非孕而孕。脈可見矣。且凡脈之理皆可見矣。深宜

潛玩。

此即但出不入。去近來遠。有陽無陰者也。又曰。脈浮

汗出者必閉。即此義也。

脈濡而弱。弱反在關。濡反在巔。遲在上。緊在下。遲則為



寒名曰渾。陽濁則溼。名曰霧。緊則陰氣慄。脈反濡弱。濡則中溼。弱則中寒。寒溼相搏。名曰痺。腰脊骨節苦煩。肌爲不仁。此當爲痺。而反懷軀。遲口歸經。體重以下。脚爲肘腫。按之沒指。腰冷不仁。此爲水懷。喘則倚息。小便不通。緊脈爲嘔。血氣無餘。此爲水分。榮衛乖亡。此爲非軀。

經右脈

此有陰無陽。所謂懷娠三月而渴。其脈反遲。必爲水分。與夫濇在於下。畜然若杯者也。

六脈皆濇。又遲緩。丈夫失精。婦人敗血。

肝脈濇。心脈滑。肺脈衰。一如孕脈。然尺澤急而長。爲敗血。爲積血。非孕。

肺脈急而弦長尺脈浮而短小腹堅硬如孕

肺脈急而沈腎脈濡沈少腹有形如孕

六脈大而沈重手取之隱隱乃得輕手如無重取卻有

骨力非如尋常沈伏之脈此因胎藏本熱或因產後未

經百日恣吃冷物寒熱相伏經二三年月候不通全如

懷孕惡血所聚如有身露下有塊但堅硬不動往往胸

脅氣痛只以辛溫藥散之自然行下不必疏通右史載之

胎孕之脈數勞損之脈亦數大有相似然損脈之數多

兼弦濇胎孕之數必兼和滑此當於幾微中辨其邪氣

胃氣之異而再審以證自有顯然可見者張景岳

凡溼熱漬於血分鬱為痰涎與夫血燥氣沸脈象俱



能累累指下鼓搏有力與替替流利之滑脈畧無分別故昔人謂診室女孀尼多見此脈只是血燥氣鬱清燥宣鬱卽漸緩弱矣慎勿誤謂有娠也

妊娠正胎脈證

何以知懷子之且生也身有病而無邪脈也

內經

內經曰陰搏陽別謂之有子此是血氣和調陽施陰化也又曰診其手少陰脈動甚者妊子也少陰心脈也心主血脈又腎名胞門子戶尺中腎脈也尺中之脈按之不絕法妊娠也

左右三部脈浮沈正等按之無絕者法妊娠也妊娠初時寸微小

畧小也

呼吸五至三月而尺數也脈滑疾重以

手按之散者。胎已三月也。脈重。手按之不散。但疾不滑者。五月也。

問曰。有一婦人年二十所。其脈浮數。發熱嘔欬。時下利。不欲食。脈復浮。經水絕。何也。師曰。法當有娠。何以故。此虛家。法當微弱。而反浮數。此爲戴陽。陰陽和合。法當有娠。到立秋熱當自去。何以知然。數則爲熱。熱者是火。火是木之子。死於未。未爲六月位。土王。火休廢。陰氣生。秋節氣至。火氣當罷。熱自除去。其病卽愈。

婦人經月下。但爲微少。師脈之。反言有軀。其後審然。其脈何類。何以別之。師曰。寸口脈陰陽俱平。榮衛調和。按之滑。浮之則輕。陽明少陰。各如經法。身反洒淅。不欲食。

飲頭痛心亂嘔噦欲吐呼則微數吸則不驚陽多氣溢
陰滑氣盛當作血盛滑則多實六經養成所以月見陰見陽
精汁凝胞散散者損墮設復陽盛雙妊二胎今陽不足
故令激經也

此與前孤陽獨呼陰不能吸二氣不停衛降榮竭對
看深有意義陰見陽精以下乃推論墮胎雙胎之理
謂所以月見者因已孕之婦復合陰陽陰見陽精前
汁之凝於胞者散散則墮胎矣設復受精則成二胎
而脈必復陽盛矣今陰盛而陽不足謂按之滑血氣
不能純固故激經而月下也激經者受胎後復合陰
陽所激也

師曰脈婦人得平脈。上節所謂陰陽俱平。脈來去大小停勻也。陰脈小弱。其

人渴不能食。無寒熱。名爲驅。桂枝湯主之。法六十日。當

有此證。設有醫治逆者。却一月。加吐下者。則絕之。

婦人脈平而虛者。乳子法也。平而微實者。奄續法也。而

反微瀼。其人不亡血下利。而反甚。其脈虛。但坐乳大兒

及乳小兒。此自其常。不能令甚虛竭。病與亡血虛等。必

眩冒而短氣也。乳大兒反乳小兒。謂乳大兒。又孕小兒也。兩乳字義不同。

師曰。有一婦人。好裝衣來診。而得脈瀼。因問。曾乳子下

利。乃當得此脈耳。曾半生漏下者。可設不者。經斷三月

六月。設乳子漏下。可爲奄續。斷小兒勿乳。

師曰。乳後三月有所見。謂經來也。後三月來脈。無所見。此便



是軀有兒者護之恐病利也何以故懷身陽氣內養乳中虛冷故令兒利。

師曰有一婦人來診自道經斷不來師言一月為經二月為血三月為居經是定為軀也或為血積譬如雞乳子熱者為祿寒者多濁且當須後月復來經當入月幾日來假令以七日所來因言且須後月十日所來相問

日數俱有微意詳見後注設其主復來者因脈之脈反沈而濇一作滑

因問曾半生若漏下亡血者定為有軀其人言實有是宜當護之今經微弱恐復不安設言當奈何當為合藥治之。

師曰有一婦人來診自道經斷脈之師曰一月血為閉



二月若有若無。三月爲血積。譬如雞伏子。中寒卽濁。其熱卽祿。欲令胎壽。當治其母。俠寒懷子。命不壽也。譬如雞伏子。試取雞一毛。拔去。覆子不徧。中寒者濁。今夫人有軀。小腹寒。手掌反逆。奈何得有軀。婦人因言當奈何。師曰。當與溫經湯。

婦人懷娠六月七月。脈弦發熱。其胎踰腹。腹痛惡寒。寒

著小腹。如扇之狀。所以然者。子藏開故也。當以附子湯

溫其藏。

竝出脈經。經初斷而脈卽弦者。非軀也。六月而脈乍弦者。病寒也。

子藏者。萬筋所細結也。寒則拘急。不能固密。熱則縱

弛。不能提攝。故皆墮胎也。開者。孳縮而不能厝裏。有

隙。爲寒氣所侵也。



婦人胎孕。左手關寸脈滑數。而肺部脈虛。而毛。尺澤陷

而與關脈不際者。孕也。

所謂陷而不際。只是描摩沈實不弦之意耳。

血盛氣衰為孕。謂心脈洪大。流利替替而滑。肺脈毛而微。卻不浮。為孕。仍須尺澤與肝脈微閒。而肝脈微橫。卽是孕。

肝脈澀而不絕。尺脈微陷。心脈滑。是孕。右史載之

凡婦人懷孕者。其血留氣聚。胞宮內實。故脈必滑數倍常。然有中年受胎。及氣血羸弱之婦。脈見細小不數者。但於微弱之中。亦必有隱隱滑動之象。此正陰搏陽別之謂。是卽妊娠之脈。有可辨也。張景岳

陳脩園曰。三部如常。經停莫恨。尺中有神。得胎必定。又



曰。婦人有胎。亦取左寸。不如神門。占之不遁。如常者。經所謂無邪脈也。左寸者。經所謂手少陰動甚也。神門穴名。非指尺部也。穴在掌後。與寸口橫值。爲心脈所過。左大爲男。右大爲女。醫學實在易

婦人無論氣分何病。但得血分無病。經期未愆。卽能受孕。或經期前後不定。在二三日。亦能受孕。經後數日。問有房事。勿論。婦患何證。但右尺與左寸沈取有神。八分是孕。嘗見經後數日。每日婦昏死數次。且不能食。但用安胎方。自愈。經後血虛。脈當虛濇。若在月空。尤見軟滯。轉見滑疾有神。卽防是孕。宜也。但用藥仍當對證。勿傷胎耳。豈得無

論何病俱用安胎方邪。
孕脈最難辨。惟經前無病之婦。比及懷孕。三四個月。多

是右尺洪滑。左尺沈動。此易爲辨也。若經前有病未痊。或先屢次小產。則從初孕以至十月。脈皆細弱。非易辨也。嘗見氣弱之婦。久病初愈之婦。屢次墮胎之婦。此三等入孕脈。一。二。三。四月時。有右尺沈細。畧滑。左寸沈細。畧有。神者。比及四月以後。忽右尺似無脈。左寸亦微弱。但止。左關動者。比及七八九月時。兩尺寸俱弱。微見兩關動者。又或動而忽數。忽遲。似結。似促者。此氣血本弱。而試疼也。

又見氣盛初胎。一。二。三。四月時。皆左脈大於右脈。惟右尺沈滑。左寸動。知其孕也。

又見氣血俱盛初胎。一。二。三。四月時。六脈洪數。上焦常

見熱證。惟右尺沈洪而滑。左寸動。王。及。三。指齊。按。則滑而有力。來撞於寸。而去撞於尺。

又見血盛有孕。右脈大於左脈。而左寸細而有神。

又見氣血俱熱。六脈洪數。而每月經血不止。其初惟據右尺沈滑。左寸動。以知其孕。大約一二月之孕。常見雜證。多不喜食。甚有昏死頻頻。及如狂者。然所見之證。每日夜間。時而證見。似乎病甚。時而證止。全似無病。迨三四月時。乃多嘔吐。五月以後。不嘔吐矣。又有素多胃熱之婦。孕一二月。卽嘔。又有肥婦氣盛。八九月時。忽大嘔者。

書云。心脈動甚者有孕。又兩尺王。與兩寸迥別者。亦有



孕若流利帶雀啄。乃數月之胎也。蓋經閉不得流通。故孕數月後。而脈歇至不勻也。婦無他病。診此皆準。夫雀啄者。平緩中忽而連來數至。如雀啄物也。常見五月以後。胎脈不皆雀啄。有四至或五至不改者。有兼結者。大小疾徐不勻也。結脈在雜疾爲鬱結。疼滯等證。雀啄在久病爲死脈。而在孕婦。乃數月後胎動。試痛應有之脈也。但雖結與雀啄。而其形滑利圓活。儼似流珠。又見八九月胎脈。三指齊按。覺兩關竟似流珠。滑利圓活。惟不堅硬耳。兩寸與尺俱細緩。亦無大病。究竟結與雀啄。雖其應爾。亦宜詳問。有無腰臍腹脇痠痛。恐或傷墮也。

右並

出醫存

歷診胎脈。驗之聖經。而知其不妄也。世謂妊娠有不見脈者。非不見脈也。卽經所謂身有病而無邪脈也。其脈三部浮沈大小正等。無浮弦芤濇之形。亦無搏擊流利之象。三指齊按。指下俱似有形。卽所謂按之不絕是也。五月以前。止能按至中候。五月以後。始能按至沈候。有形。卽所謂按之不散。胎已五月也。又有受胎一二月。關尺兩部中候。細滑來去分明。至三四月。轉見軟濇不甚分明。五六月後。復漸見滑實者。夫一二月卽見細滑者。因每月行經。血下有期。驟無所洩。故相激而乍見壅盛也。脈經必問經期。入月幾日來。當幾日來問。卽此義也。氣血流行之道。旣熟。至期

而不得洩。必搏激而脈象變見也。至三四月。氣血已定。而胎氣又未充滿。血停氣滯。故見軟濇也。大抵初孕一二月。細滑見於中候。多在關尺部內。所謂按之濡。舉指來疾。腎氣乍充也。四五月始能正。見關部洪大。至於寸部。非嘔吐咳嗽之甚。未有於三月前見滑疾者。總是四月後始漸自尺上充於寸也。

凡診孕脈。必以平旦。經曰。平旦者。陰氣未動。陽氣未散。飲食未進。經脈未盛。絡脈調勻。血氣未亂。此時客氣未形。純是一團真氣。故能診見脈之真象也。飽後勞後。則失其本矣。常人午睡初起。脈必滑疾。有力有神。未可據爲胎孕。尤未經前人道破者也。脈經曰。吐家脈來形狀。

如新卧起。可想見新卧起之脈狀矣。

潛初

凡診胎脈。宜凝神。移時過五十動。蓋陰中伏陽。陽中伏陰。脈之錯綜雜沓。惟胎爲甚。因人之稟賦。本各不同。而又所受之胎。有得陰氣而成女。有得陽氣而成男。有得主氣而胎壽。有得廢氣而胎夭。莫不變見於脈。必須從錯綜雜沓中。細心剖析。所見何脈。所兼何脈。所雜何脈。所伏何脈。一一了然。卽雙胎一男一女。一生一死。且能辨矣。何論餘耶。醫存曰。男婦本脈。皆有六陰。皆主富貴。肥人肉緊。六陰之極。則六脈俱伏。惟三指齊按至骨。方見微動。乃其平脈也。若有一部脈見。單診卽得。或細而有力。卽此經有病。若細而數。乃熱證也。結則有鬱。有痛。

也。至於妊娠。初孕則先右尺脈見。三月則左寸亦見。此後六部皆漸見矣。但所見皆細滑。非洪滑也。蓋本婦乃六陰脈。常伏不見。所見者胎中氣息之脈耳。若見洪脈。則爲熱極之證矣。此亦孕脈無定之一端也。潛初

凡診胎脈。必迭用舉按。以審其勢。診者先以指重按至骨。令脈氣斷絕。不能過指。旋忽微舉其指。若是有孕。尺部之下。必有氣如線。漉漉爭趨。過於指下。如矢之上射也。大舉其指。反有不見。此滑疾之象者。故孕者無論其脈如何軟弱。如何遲緩。而當按斷微舉之時。必有氣隨指上。浮爭趨如線。既舉復按。既按復舉。累審不爽。孕無疑矣。若非孕也。無論其脈如何洪滑。如何數疾。而當按

斷微舉之時。必無氣線過指。卽或有之。亦必不能滑疾
有神。且不能隨指卽上。指旣舉而氣乃至。不似胎脈之
直。同指未舉而氣已至也。蓋胎孕者。腎之事也。診者自
當以審察腎氣爲主。無如前賢僅稱尺脈滑動之言。未
明指法操縱之訣。今吾從難經腎脈指法。悟出。歷用皆
驗。決應如神。夫胎脈惟不得弦芤牢革。若遲濇細弱微
散。莫不有之。獨至按斷微舉之時。氣線過指之際。則滑
疾之真象見矣。此象初孕二十日卽見。一二月時最顯。
三四月時。閒有脈轉軟散者。此象亦或不見。然兩尺部
中。總有一部微見也。更有因患病誤治。致傷氣血而不
見者。但服調養氣血藥一二劑。必見矣。更有臨診時。孕

者兩手。從冷水中初起。脈氣為冷氣逼退而不見者。溫待少頃。即見矣。故診者。臨時必須問明。頃間有無勞怒。飲食。卧起。冷水等事。最為切要。此皆親歷之詞也。二節義本聖經。為胎脈診法中必不可少之法。前人未經道及。故特疏論其義。與舊文一例。頂書者。以便醒目耳。非敢與先哲格言抗行也。故謹附於篇末云。

妊娠分男女脈證

婦人妊娠四月。欲知男女法。左疾為男。右疾為女。俱疾為生二子。

又法。得太陰脈為男。得太陽脈為女。太陰脈沈。太陽脈浮。此太陰太陽別是浮沈之專名。非十二經者也。

又法。左手沈實為男。右手浮大為女。左右手俱沈實。猥



生二男。左右手俱浮大。猥生二女。

又法。尺脈左偏大爲男。右偏大爲女。左右俱大。產二子。大者如實狀。

又法。左右尺俱浮。爲產二男。不爾。則女作男生。左右尺俱沈。爲產二女。不爾。則男作女生也。汪石山集有此醫案

男作女生。女作男生者。言此人體性不與人同而相反也。浮本生男。若生女者。則其人必沈而生男也。故曰女作男生。沈本生女。若生男者。則其人必浮而生女也。故曰男作女生。是脈無一定。各因人而定也。

又法。遣妊娠人面南行。還復呼之。左迴首者是男。右迴首者是女也。

又法看上圖時夫從後呼之左迴首是男右迴首是女
又法婦人妊娠其夫左乳房有核是男右乳房有核是
女也。右出脈經

胎脈初二三月右尺沈洪而無此經熱證所謂熱證者
如相火妄動經血不止咽痛舌痛耳鳴目赤之類是也
三四月右尺左寸皆沈洪而滑再以三指齊按左脈皆
沈洪而滑疾男也右脈皆沈洪而滑緩女也此時多有
臨食嘔吐竝無他證應此脈也五月後兩關洪滑兩寸
洪滑或寸關皆洪滑或兩尺洪滑難限部位蓋婦有強
弱或兼別病而然要其沈洪而滑三指齊按必見也惟
單指各診有不同耳若兩手均洪滑者雙胎也又肥婦



脈多沈細須作六陰診之。如細而有力。三指齊按而滑者。卽胎也。醫存

舊云胎在右是女。胎在左是男。及左脈大是男。右脈大是女。皆不準。常見右脈大。胎在右者。多生男。況二三月之孕。多是右尺沈滑。而左尺不及也。醫存

脈左男右女。沈男浮女。二說雖不能盡準。却是十應七八。又謂浮男沈女者。蓋非謂脈象之見於浮。見於沈。見於沈也。謂脈之鼓力。能及於浮。不能及於浮也。又有謂兩寸滑爲男。兩尺滑爲女者。尤不盡準。大抵左寸沈滑爲男。歷驗不爽也。至於摸之如肘頭參差起者爲女。如覆杯者爲男。是兒已成形者。在五六月後矣。

妊娠雜病脈證

重身九月而瘖何也曰胞之絡脈絕也胞絡者繫於腎

少陰之脈胃腎繫舌本故不能言此無治也當十月復

胞子腸也非膀胱之外胞更非心之胞絡也少陰足少陰腎經也

重身毒之奈何曰有故無殞亦無殞也竝出素問

五月六月脈緊者必胞漏

師曰婦人有漏下者有半生後因續下血都不絕者有

妊娠下血者假令妊娠腹中痛為胞漏一作阻膠艾湯主

之胞漏胞阻皆妊娠下血之名非指惡阻也

婦人宿有癥病妊娠當有六經斷三月而得漏下下血

四五日不止胎欲動在於臍下一作臍上此為癥瘕害妊娠



六月動者。前三月經水利時胎也。下血者。後斷三月。亦也。所以下血不止者。其癥不去故也。當下其癥。宜桂枝茯苓丸。

六月動者。言胎至六月始能動。今欲動。是前三月經未斷時已胎也。所下之血。乃後斷三月所積之血也。夫血何以下也。止因胎至六月。形已壯大。經斷三月。血又壅盛。與癥相礙。不相容也。桂枝動血。妊娠所忌。況已下漏乎。此時固不可用固胎之藥。而動血之品。非見證必真者。不可妄用也。

婦人妊娠。小便難飲如故。當歸貝母苦參丸主之。腹中疔痛。當歸芍藥散主之。嘔吐不止。乾薑人參半夏丸主之。



之。

婦人妊娠有水氣身重小便不利洒洒苦寒起即頭眩

葵子茯苓湯主之。右並出脈經

肝脈長而溢寸胎漏失血胎下血有二有肝氣虛微腎

脈綿軟胎脈陷下動而失血者宜補之若肝脈有餘而

失血是胎溢當涼血也

肝氣虛微胎脈陷下氣脈二字互易文義較順

妊娠六脈疾而動肝脈如長而散主胎漏失血不可補

之此血溢也當涼血以安胎

妊娠六脈洪大過關溢寸主上脘有熱唇口乾焦口舌

生瘡非時頭痛不安小便黃赤

妊娠尺澤沈伏肺脈實沈而動腰痛不可舉兩手沈重



行步無力。此內經所謂脾太過則四肢不舉脾經溼熱壅盛濁氣上蒸入肺而下克腎水也。

妊娠之脈若肺雖微然浮而聚於寸口當上氣喘促。

妊娠六脈雖要滑而流利然肝脈滑而洪大胃脈亦有

骨力則上喘而口膠見食多嘔。兩關滑實只是中焦痰結。

妊娠尺脈不絕與肝脈相連而綿軟無力又沈以細當

主少腹疼痛蓋胎氣熱則在上冷則墜下。

妊娠尺脈沈急而搏胃脈濡而重六脈又軟胎氣墜下。

陰門腫。凡專言某脈者一指單按也。統言六脈者三指齊按也。

妊娠心脈洪大而浮肺脈浮而散胃脈浮而大通身瘙

癢漸次面目渾身俱腫。心躁不安。俗名子腫。蓋風水也。

妊娠六脈皆結而伏胃脈沈而動主忽然如中風心前



昏悶。卽如有一塊物填塞。此緣藏府本熱。而或感寒。或

喫生冷。寒熱相伏而不散。以辛溫散之。又有子癰。是淫痰壅入心包絡。

之經也。宜桃仁青皮陳皮香附。遠志菖蒲白芍。和血降氣主之。

妊娠血有餘。六脈大而疾。又緊而流利。表裏俱有骨力

主渾身碎痛。并腹內疼。不可忍者。宜涼其血。此水穀之悍氣。竄入

榮氣之道也。宜以涼藥破其氣。又以辛涼疏其表。使逆氣從汗出。卽愈矣。

婦人妊娠。有發熱如瘡。雖夏常畏風。此肝盛血熱。風行

於表。熱極卽生寒。若肝盛胃虛。卽更右一壁寒。以妊則

血盛而氣衰故也。診其脈。當左脈長而緊。微帶浮。右關

沈而濡。如按泥漿。此肝脾不和。卽榮衛不和。宜以輕劑和中。卽愈矣。右史載之。

婦人傷寒。懷身腹滿。不得小便。從腰以下重。如有水氣



狀懷身七月太陰當養不養此心氣實當刺瀉勞宮及

關元小便微利則愈

傷寒一作傷胎非太陰手太陰肺也

脈經

胎脈乃沈洪而滑流利不滯非數亦非浮也數乃熱證

之脈浮乃表證之脈有熱有邪自有其證若前日診明

胎脈後日復診其脈沈洪而滑新加以數則有胎熱之

證矣或加以兩寸浮數則新受外感其證皆可問而知

若見結脈必內有痛處

醫存

妊娠惡阻者

阻即孕也謂經阻也故經謂孕婦為阻婦

心中憤悶頭眩四肢

煩疼懈惰不欲執作惡聞食氣欲噉鹹酸果實其大劇

者至不能自勝舉也此由元本虛羸血氣不足腎氣又

弱兼當風飲冷太過心下有痰水挾之而有娠也經血



既閉。水漬於藏。藏氣不宣通。故煩悶氣逆而嘔吐也。血

脈不通。經絡否滯。則四肢沈重。挾風則頭目眩。風肝氣也。

妊娠子滿體腫者。此脾胃虛弱。藏有停飲。而挾以妊娠

故也。經血壅閉。以養於胎。若挾有水氣。則水血相搏。水

漬於胎。兼傷藏府。脾胃主肌肉。脾氣虛弱。水氣流溢。故

令體腫。水漬於胞。則令胎壞。凡妊娠臨產之月。脚微腫

者。其產易。胞藏水血俱多。而乘於外也。若初妊而腫。是

水氣過多。兒未成具。故壞胎也。五月六月脈浮者。必腹

滿而喘。壞胎為水腫。

妊娠子煩者。凡藏虛而熱氣乘於心者。則令心煩而躁

熱。停痰積飲。在於心胸。其冷衝心者。則令心煩而嘔吐



涎沫妊娠既血飲停積亦虛熱相搏故令心煩也巢氏此論全取內經欬論之

妊娠咳嗽者寒傷於肺也巢氏此論全取內經欬論之文仍是外感病也又有初妊

即咳至兒出腹而即止者此火少土弱水氣射肺也妊

娠嘔吐欬嗽二證最能傷胎劇者急宜救治理肺溫脾

妊娠轉胞不得溺者膀胱為胎所碍不得轉也此由中

氣不足不能升舉胎系其脈細弱亦有因溼熱致筋絡縱弛者脈多緩滑也

脹急欲死宜先令老婦以香油塗手入產門託起其胎

以出其溺再用補中益氣藥以漸升舉之丹溪心法此病或先服

藥探吐或展轉側卧而出之更妙與前篇轉胞參看。

人世所有百病孕時俱能患之治法總須對證施治

而勿傷胎耳尋常傷胎之藥但於證相合即可放心用之勿過劑也或以藥佐之



妊娠七八月及將產脈證

妊娠七月脈實大牢強者生。沈細者死。

妊娠八月脈實大牢強弦緊者生。沈細者死。

婦人懷妊離經。其脈浮。設腹痛引腰脊。爲今欲生也。但

離經者。不病也。

諸書有引作不產者。蓋未得其義。以意改之也。

難經有損脈一呼一至曰離經。至脈一呼三至曰離

經。是離經本非脈之定名。只是離乎日行十六丈二

尺之常經耳。損至離經爲病脈。將產離經不爲病脈

也。卽實大弦強。更加洪滑。故曰其脈浮。仍恐人疑與

病脈混也。再以不病申之。

婦人欲生。其脈離經。半夜覺。則日中生也。右脈經



尺中細而滑。婦人欲產。千金翼方

產婦腹痛而腰不痛者。未產也。若腹痛連腰甚者。卽產。所以然者。腎候於腰。胞繫於腎故也。診其尺脈轉急。如切繩轉珠者。卽產也。巢氏

婦人欲產。漿破血下。渾身疼。診其脈當洪大而有骨力。尺澤透而長。方是正產。謂孕則尺脈不來。欲產而漿下。則尺澤透。若渾身疼甚。而漿未破。血不肯下。卽難產。凡渾身痛甚。須是腰痛。連穀道疼。逆痛也。逆脹方是正候。以

少陰挾胞之絡脈。連腰過脊及肛門。若只是腹痛。不可用作正產候。史載之

達生編。福幼編等書。皆醫林之至寶。爲家長者。當使識

字子弟。莊誦而講說之。使婦人熟知。又須知兩中指頂節之兩旁。非正產時。則無脈。不可臨盆也。若此處脈跳。腹連腰痛。一陣緊。一陣。二目亂出金花。乃正產時也。速臨盆。醫存

易產難產子死腹中胞衣不下下血不止脈證

將產脈洪長滑數者易產。虛細遲澀者逆。

大凡妊婦脈細勻易產。大浮緩散氣散難產。大抵總以勻滑有根有力爲吉也。丹溪心法

妊娠養胎。白朮散主之。又宜服當歸散。卽易產無疾苦。

經脈 此節是平日養胎使易產之方法也。

將產服獨參湯。人參一二兩。長流河水煎湯呷之。能定

痛安神增氣益血。卽易產無苦世醫不知也。本草經疏此方甚
驗。無力者黨參再倍代之亦可。胎前服破氣破血藥多
者。卽不墮胎亦必難產。故昔人謂砂仁安胎。多服難產
也。此節是臨產所用之方法也。

妊娠臨產之月。腳微腫者。卽易產。所以爾者。胞藏水血
俱多。故令易產。而水乘於外。故微腫。但須將產之月。若
初娠而腫者。是水氣過多。兒未成具。則壞胎也。

產難者。或先因漏胎去血藏燥。或子藏宿挾疹病。或觸
犯禁忌。或始覺腹痛。產時未到。便卽驚動。穢露早下。致
子道乾澀。產婦力疲。皆令難也。候其產婦。面赤舌青者。
子死母活。脣青口青。口兩邊沫出者。子母俱死。面青舌
赤。沫出者。母死子活。

橫產逆產者。由初覺腹痛。產時未至。驚動傷早。兒轉未竟。使用力產之。故令橫產逆產也。亦由傍看產人。抱腰持捉失理。或觸犯禁忌所爲。凡將產。坐卧產處。須順四時方面。并避五行禁忌。若觸犯。多致災禍也。

產子但趨後孔者。由坐卧未安。忽遽強嘔。氣暴衝擊。故兒失其道。凡婦人產。有坐有卧。坐產者。須正坐。傍人扶抱。助腰。持捉之。勿使傾邪。卧產者。亦待卧定。背平著席。體不偃曲。則兒得順其理。若坐卧未安。身體邪曲。兒身轉動。忽遽強嘔。氣暴衝擊。故令兒趨後孔。或橫或逆也。

巢氏

產子上逼心者。由產難用力。胎動氣逆。胎上衝逼。迫於

心也。如此則產婦暴悶而絕。胎下乃甦。甚者至死。巢氏
孕婦十月。臨盆太早。加以婆媽多般安排。勞苦艱楚。產
婦力盡。胎亦氣微。若三指。沈取而尚洪滑。或細數有力。
是其胎未傷也。法須正卧靜養。則母子無虞矣。若三指
沈取而細弱。且遲兩尺。無神。是胎死胞中矣。醫者萬勿
張惶。恐使產婦氣餒。膽虛。則死胎不下。婦亦危矣。總須
撫以好語。以壯其膽。依方服藥。卽下。醫存

王漢皋曰。胞衣中有氣無血。兒在其中。以臍呼吸。故
兒臍由胞聯於母之呼吸也。未產之先。兒摺疊胞內。
方產之時。兒乃伸手舒足。破衣而出。近日穩婆忍心
謀財。不但妄言誕說。恐嚇產婦。竟以小刀附著指內。

口稱試胎。其實刀指竝入陰戶。但將兩指畧開。刀已割裂胞衣矣。此時兒尙疊摺未動也。忽而胞裂漿入。灌其口鼻。兒惶急掙抓。難尋出路。立刻溺死胎中。不可產矣。穩婆見婦疼減。誑稱早係死胎。用鉤搭兒手足。零割而下。居功索謝。既殺胞中之兒。又殺昏迷之婦。種種殘忍。不堪盡述。

潛初嘗論延醫無問術之高下。但眉宇和藹者。多得春氣。必能活人。穩婆亦然。顏色睛和。言語靜細。其心必慈。若深目高鼻。大口長頸。顴聳額闊。睛動聲雄。皆忍人之相也。

有產兒下。苦胞衣不落者。世謂之息胞。由產婦初時用

力比產兒出體已疲頓不能更用氣產胞經停之閒外
冷乘之則血道否澀故胞久不出彌須急以方藥救治
不爾害於兒所以然者胞系連兒臍胞不出則不得以
時斷臍浴洗冷氣傷兒則成病也舊方胞衣久不出恐
損兒者依法截臍而以物繫其帶一頭亦有看產人不
用意慎護挽牽急甚胞系斷者其胞上掩心則斃人也
縱令不死久則成病也

巢氏

有露惡流入胞中脹滿不出者老成穩婆但以手指頂
胞底以使血散或以指摸上口攀開一角使惡露傾瀉
胞空自落矣

張景岳

產後脈結而澀尺脈短而動肺脈浮而急卽是衣未下

衣未下者。肺氣必上逆。而血隨氣升。心氣亦滿。故兩寸必弦滑而實甚也。宜重用破血佐以降氣。舊方有用芫葉或荷葉水煎服。貝母研末酒調服。立下者俱未試也。

藏衣必擇年月及本命吉方。則兒吉祥無病。若蟻蝕犬撕兒多天矣。

正產半產。出血過多。不可禁止。忽氣悶不識人。其脈洪大而浮以泛。如新沐如破肚之脈。若微細而澀絕。其候凶。史載之

新產子壯大。子門坼裂。出血不絕。

脈經作金瘡在陰處。出血不絕。陰脈

不能至陽者死。接陽而復出者生。

不能至陽者。即上不至關也。

新產生死脈象

婦人新生乳脈沈小緩滑者生。實大堅弦急者死。

婦人新產後寸口脈焱疾不調者死。沈微附骨不絕者

生。

不絕者有根也。焱疾者直駛也。

新產之脈緩滑者吉。沈重小者吉。堅牢者凶。脈經

按臨產脈洪滑者。新產兒初出腹。仍宜緩滑。不甚洪強。三四日後。漸見沈弱。此最爲吉。若驟見沈小。或尺脈上不出關。寸脈下不入關。或旋引旋收。上下分馳。或牢直不動者。皆氣散不治。若臨產脈本沈滑者。兒下後亦宜沈滑稍緩。三部不絕而有根也。

寸口脈平而虛者。乳子法也。

此節是言常哺子脈非新產後也。

產後雜病脈證

問曰新產婦人有三病。一者病瘧。二者病鬱冒。三者大便難。何謂也。師曰新產亡血虛多汗出喜中風。故令病瘧。何故鬱冒。師曰亡血復汗寒多。故令鬱冒。何故大便難。師曰亡津液胃燥。故大便難。產婦鬱冒其脈微弱。嘔不能食。大便反堅。但頭汗出。所以然者。血虛而厥。厥而必冒。冒家欲解。必大汗出。以血虛下厥。孤陽上出。故但頭汗出。所以生婦喜汗出者。亡陰血虛。當作亡血陰虛陽氣獨盛。故當汗出。陰陽乃復。其大便堅。若嘔不能食者。謂便者當治其嘔。小柴胡湯主之。病解。謂嘔已也。能食。七八日而



更發熱者。謂復便堅此為胃熱氣實。承氣湯主之。方在傷寒

中。

婦人產得風。續續數十日不解。頭微痛。惡寒。時時有熱。

心下堅。一作悶乾嘔。汗出雖久。陽旦證續在者。可與陽旦

湯。方在傷寒中。桂枝湯加黃芩是也。

婦人產後中風。發熱。面正赤。喘而頭痛。竹葉湯主之。

婦人產後。腹中疔痛。可與當歸羊肉湯。

師曰。產婦腹痛。煩滿不得卧。法當枳實芍藥散主之。假

令不愈者。此為腹中有乾血。著臍下。宜下瘀血湯。

婦人產後七八日。無太陽證。少腹堅痛。此惡露不盡。不

大便四五日。跌陽脈微實。再倍。其人發熱。日哺所煩躁



者不能食。譫語。利之則愈。宜承氣湯以熱在裏。結在膀胱也。

婦人產中虛。煩亂嘔逆。安中益氣竹皮大丸主之。

婦人熱利重下。新產虛極。白頭翁加甘草湯主之。千金方加

阿膠 右竝見脈經

乳子而病熱。其脈懸小。手足溫則生。寒則死。懸小者絕小也。脈經

作弦小。非是。

乳子中風熱。脈經作中風。傷寒熱病。喘鳴肩息者。脈實大也。緩則

生。急則死。脈經作實大。浮緩者生。小急者死。右二節素問通評虛實論

產後血風。虛熱搏之。洪大而數。數與疾不同。數則兼動

與短。主血暈。面色深赤。身體如醉。見屋宇如懸倒。忽頭



痛重不安。

產後血風虛熱搏之。洪大而疾。心脈實而有骨力。肺脈洪而浮。主血逆。頭面赤如醉。身體如在空虛。大府祕澀。語聲微細。

產後六脈得洪大。如血暈脈。胃脈實而弦。肺脈浮而洪。主大府祕熱。頭痛面赤。惡心嘔逆。

產後六脈浮數。來疾去遲。中風四肢躁。身體疼。精神昏悶。大府祕澀。

產後如骨蒸脈。六脈弦而微緊。有骨力。主血行少。未經數日。身下乾淨。腹中餘血惡血未下。非時氣痛。攻心刺

助。

產後惡血行少。腹中塊刺痛。須六脈大而緊。肺脈緊而虛弦。爲寒。肺主少腹。當有形。

產後血熱。肝藏風搏。生涎發爲疼痛。卽急心痛。六脈當得二陽一陰。二陽者實大。一陰者沈也。

產後六脈洪大而結。肝脈澀。肺脈浮。忽然乳疼。堅硬成塊。將欲成癰腫。

產後未經百日。腹痛氣疼。轉瀉不止。六脈沈細而虛。此餘寒在中。

產後六脈沈細而伏。此寒氣在下。腰痛。起動不得。

產後六脈皆沈而遲。主渾身厥冷。非時悶不識人。

產後六脈沈細。腎脈伏而沈。肺脈虛而大。產後乳汁多。



故流出其乳汁冷而口乾。此腎冷肺虛寒。不可以口乾爲上熱。誤服涼藥。此腎少陰之脈。從肺出絡心。注胸中。其直行者。從腎上貫肝鬲。入肺中。循喉嚨。俠舌本。故如此。以其津液虛。非以氣血熱也。

產後心脈一指偏小而動。又乳陷。若肺脈重而洪大。卻無骨力。則主乳多。肺脈如常。惟心脈如此。加之腎脈微細。則小便虛祕。

產後尺澤虛軟而代。至數不及。加之胃脈濡溼而散。載書中多言溼脈。是從濡字化出。卽水土俱寒。多下白涕。

產後尺澤虛軟而代。至數不及。白涕不止。血崩下帶。

產後六脈動而疾。胃脈滑而溢。尺澤腎脈軟而虛。弦

此緣產遲。或衣遲。胞下即產後早起傷風。吐泄不定之

脈。宜溫其胃。

產後六脈輕浮。微有骨力。而來遲。肝脈細而虛弦。多因小遺登後早。或亂喫食物早。宮藏傷風。飲食減可。近以十日。遠經半月。粥食不進。才喫一口湯水。即聞湯水巡歷胸中。方下入胃。既入胃。仍下出。面色肉色并黃。形體困重。此候宿風邪在中。血熱而感寒。成寒熱隔氣。風木用事。食不化。此病須是喫得酒一兩盞。方可調理。每日宜服酒一兩盞。如治風噎調理。風噎即肝風鬱而成噎也。詳見原書。茲不瑣具。方用細辛當歸桂芍羌活藿香木香桑寄生炙甘草吳萸莪茂細末。空心。防風湯調下。每三錢。喫了。渾身手



足暖忽頭疼卽連喫酒一兩盞候通身發熱忽行下惡

物卽便安樂也若人得此病須是依上件題目方可服

此也。血虛有熱者不可入口。

產後亂喫物早傷損脾氣非時腹脇脹滿飲食不快診

其脈胃脈遲而肝脈弱。

產後亂喫物早傷損血氣身體虛弱飲食減少眼如猫

兒眼診其脈肺脈橫格而肝脈朮傷微弱。傷者瀉之義也腎脈

泛泛欲動而無力此血氣俱病當調其血益其氣暖其

胃使進食。

產後腎脈微而沈胃脈濡溼而沈多緣寒氣所損或因

坐草多時天之寒氣所損或因坐草多時地之寒氣所



衝腹中成塊。或衝心背。臍腹疼痛。嘔逆惡心。不思飲食。產後血氣微弱。六脈沈細。重手取之。細細乃得脈氣。別無陽脈。惟肺脈差浮而弱。主頭冷重。項頸蕤。不時頭面上肌肉麻痺。大腸虛冷。頻出後。又多虛往。或時泄瀉。兩足沈重。少精。行步無力。面黃瘦。或未經百日。經候通行。或誤吃涼藥。有此疾候。或自懷孕時。閒通身寒冷。至產後。卻有此疾。但極以補腎補肝藥。補益氣血。而以祛風邪藥助之。

產後六脈浮而虛。腎脈微而小。至數遲。來去無力。綿綿若代。中風肌肉麻痺。肢節牽抽。非時憎寒。大府虛冷。產後心虛中風。心中戰慄。驚動不安。如人將捕。大府傷

冷。六脈微。而肝心脈偏沈細。又產後只緣腎氣虛寒。風

邪所中。腎脈細而搏。以沈。腎既受病。腎屬水。得寒氣則水愈橫。傳其

所勝。心感腎邪。不時驚悸。如人將捕。初以益心氣去風

邪藥治之。次當補其腎。又次當益其肝。足其血。緣心受

腎邪。而又肝氣微弱。不能生其心氣。故以三方治之。

產後肝腎虛冷受邪。六脈虛微。腎脈搏沈。心脈輕帶滑。

此以腎水凌心而脈動也。主產後肝虛中風。

產後血暈之疾有二。風搏血熱而暈。卽六脈洪大。有骨

力。又有一般虛冷。却因使性激怒。傷損肝心。其氣上逆。

因而血暈。其狀頭覺重痛。昏昏如醉。語聲低小。但多思

睡。診其脈。六脈輕有骨力。不至洪大。肺脈輕浮而不毛。



心脈促而朝上。此用藥最爲難也。激怒病成於內。自比尋常難治。然大法不

外道遙散加桃仁黑薑也。原方不合。未錄。

產後惡血未盡。因感風邪。與熱血相搏。壯熱頭痛。面赤

如醉。眼濇。脈急。昏悶不醒。身如在空虛。見食即吐。食不

住。腹脈氣結而不勻。逐位閒絕。然各有骨力。而微。此用

藥亦難。前證溫下後。恐別見虛熱之證。更須以他藥平補之。此乃抵當湯丸下瘀血湯之的證。原方未

合。不錄。凡產後中氣虛。有瘀者。只宜破血。不可用泄氣之藥。如葶藶桑皮白前大戟之類。肺氣陷。則外邪深入。其禍不測。有遷延成勞者。右竝出史載之。

有即時變見險惡證候者。

新產腹痛。皆云畜血。非也。蓋子宮畜子既久。忽爾相離。

血海陡虛。所以作痛。胞門受傷。必致壅腫。所以拒按。而

亦有塊。實非真塊也。治此者。宜用和養。不宜破瘀。致損



藏氣 張景岳

此論兒枕痛也。和養二字最佳。產後不宜寒涼。人所知也。不宜溫熱。則未知也。

凡婦人未孕之前。有宿病者。若是氣分小疾。乘產後一月內醫治。可愈。若是氣分大病。由初產以至滿月。必得良醫細心調理。又須家人小心照護。寒暑雨暘。毫不可懈。乃能保全。稍有失誤。兒或可生。產婦必危。醫存

室女經閉勞瘵脈證

室女六脈皆弦而長。又洪尺脈微緊。經候通行。兩足痛。腫。行步不得。肌肉消瘦。大府乾澀。頭昏。痛。眼昏。

室女十六七。肝脈弦而長。胃脈輕弦。表裏如一。骨槽風。

熱風行周身上。焦壅結。肌肉消瘦。或通身黃黑。面色帶黑。小便黃赤。五心煩躁。漸欲成勞。右史載之

張氏曰。室女月水久不行。切不可用青蒿等涼藥。醫家多以爲室女血熱。故以涼藥解之。殊不知血得熱則行。冷則凝。若經候微少。漸漸不通。手足骨內煩疼。日漸羸瘦。漸生潮熱。其脈微數。此由陰虛血弱。陽往乘之。火逼

水枯。耗亡津液。治當養血益陰。此語誤盡蒼生矣。大黃

勞證乃慎毋以毒藥通之。宜用柏子仁丸。澤蘭湯。此所謂

多不治子藥。張景岳

室女經閉。固由稟賦薄弱。先天虧損。亦有因小時曾

患傷寒溫熱大病。癰疽大毒。膿血出多。津液不復。其



脈數細結澹。又有因家難頻仍獨坐無聊憂鬱成疾者。其脈浮候必畧帶弦。沈候數細結澹。止歇頻多。此衝任當盛不得盛。天癸當至不得至。其理如痘證不能灌漿。必致倒靨而死。故最爲難治。

又素多盜汗者。津液洩越。久則令人短氣柴瘦而羸瘠也。亦令血脈減損。經水否澹甚者。至成勞瘵也。

乳癰肺痿肺癰腸癰胃癰脈證。諸證男婦均有。婦人患者獨多。故附

於卷末

產後六脈洪大而結。肝脈澀。肺脈浮。忽然乳疼。堅硬成

塊。欲成癰腫。史載之

腫結皮薄以澤。是癰也。足陽明之經脈。有從缺盆下於

乳者勞傷血氣其脈虛腠理空寒客於經絡寒搏於血則血澀不通其血又歸之氣積不散故結聚成癰癰氣不宣與血相搏則生熱熱盛乘於血血化成膿亦有因乳汁蓄結與血相搏蘊積生熱結聚而成乳癰者年四十以還治之多愈年五十以上慎不當治之多死不治自當終年又懷娠發乳癰腫及體結癰此無害也蓋懷胎之癰病起陽明陽明胃之脈也主肌肉不傷藏故無害診其右手關上脈沈則爲陰虛者則病乳癰乳癰久不瘥因變爲瘻

巢氏

巢氏又有石癰候卽今所謂乳巖證最險惡十死不
治此極冷無陽脈當牢結而澹也乳癰乃陽證乳亦

肺氣所治。脈當與肺癰大同也。巢氏謂右關沈虛者。

蓋膿血已出後也。乳頭屬肝。乳房屬肺。

問曰：熱在上焦者，因咳為肺痿，從何得之？師曰：或從汗

出，或從嘔吐，或從消渴，小便利數，或從便難，數被駛藥

下之，重亡津液，故得之。

寸口脈不出，猶不鼓也。反而發汗，陽脈早索，陰脈不澀，三焦

踴躍入而不出，陰脈不澀，身體反冷，其內反煩，多吐，腎

燥，小便反難，此為肺痿，傷於津液，便如爛瓜，亦如豚腦。

但坐發汗，故也。陰脈不澀，下元真陰未傷，只因發汗正傷肺中津液，而肺氣又虛而下陷，不能

運化他藏津液，使之上升也。故曰三焦踴躍入而不出，故肺痿傷於津液，而反多涎沫，其內反煩者，津液不歸

其經也。



肺痿其人欲欬不得欬。欬則出乾沫。久久小便不利。甚則脈浮弱。

肺痿吐涎沫而不欬者。其人不渴。必遺溺。小便數。所以然者。以上虛不能制下也。此為肺中冷。必眩。多涎唾。甘草乾薑湯以溫其藏。服湯已渴者。屬消渴。經曰。水在肺。吐涎沫。欲飲水。

師曰。肺痿。欬唾咽燥。欲飲水者。自愈。自張口者。短氣也。欬而口中自有津液。舌上胎滑。此為浮寒。非肺痿也。

問曰。寸口脈數。其人欬。口中反有濁唾涎沫者。何也。師曰。此為肺痿之病也。若口中辟辟燥。欬則胸中隱隱痛。脈反滑數。此為肺癰。



欬唾膿血。脈數虛者為肺痿。脈數實者為肺癰。右竝出脈經

婦人吐涎沫。醫反下之。心下即痞。當先治其吐涎沫。小

青龍湯主之。涎沫止。乃治痞。瀉心湯主之。

婦人之病。因虛積冷。結氣為諸經水斷絕。至有歷年。血

寒積結胞門。寒傷經絡。凝堅在上。嘔吐涎唾。久成肺癰。

形體損分。在中盤結。繞臍寒疝。或兩脇疼痛。與藏相連。

或結熱中。痛在關元。脈數無瘡。肌若魚鱗。時著男子。非

止女身。在下未疑多。經候不勻。令陰掣痛。少腹惡寒。或

引腰脊。下根氣街。氣衝急痛。膝脛疼痛。奄忽眩冒。狀如

厥癰。或有憂慘。悲傷多嗔。此皆帶下。非有鬼神。久則羸

瘦。脈虛多寒。三十六病。千變萬端。審脈陰陽。虛實緊弦。



行其針藥。治危得安。其雖同病。脈各異源。子當辨記。勿謂不然。右金匱

此節有肺癰寒疝腸癰陰痛藏燥諸病在內。宜詳味之。未多當是來多。

問曰。病欬逆。脈之何以知此爲肺癰。當有膿血。吐之則死。後竟吐膿死。其脈何類。師曰。寸口脈微而數。微則爲

風。數則爲熱。微則汗出。數則惡寒。風中於衛。呼吸一作氣

不入。熱過於榮。吸而不出。風傷皮毛。熱傷血脈。風舍於

肺。其人則欬。口乾喘滿。咽燥不渴。多唾濁沫。時時振寒。

熱之所過。血爲凝滯。蓄結癰膿。吐如米粥。始萌可救。膿

成則死。



欬而胸滿振寒。脈數咽乾不渴。時時出濁唾腥臭。久久吐膿如粳米粥者。爲肺癰。桔梗湯主之。

肺癰胸滿脹。一身面目浮腫。鼻塞。清涕出。不聞香臭。酸辛。欬逆上氣。喘鳴迫塞。葶藶大棗瀉肺湯主之。

寸口脈數。趺陽脈緊。寒熱相搏。故振寒而欬。趺陽脈浮緩。胃氣如經。此爲肺癰。

問曰。振寒發熱。寸口脈滑而數。其人飲食起居如故。此肺癰腫病。醫反不知。而以傷寒治之。應不愈也。何以知有膿。膿之所在。何以別知其處。曰。假令痛在胸中者。爲肺癰。其人脈數。欬唾有膿血。設膿未成。其脈自緊數。緊去但數。膿爲已成也。

脈數身無熱。為內有癰也。薏苡附子敗醬湯主之。右並

丹溪曰。內癰者。在腔子裏向。非干腸胃也。以其視之

不見。故名之曰內。

肝脈大甚。為內癰。脾脈微大。腹裏大。膿血在腸胃之外。

瀉甚。為腸潰。脈經作潰微瀉。為內潰。脈經作潰多下膿血。腎脈瀉

甚。為大癰。靈樞邪氣藏府病形篇瀉者膿血已出之脈也。

諸浮數脈。當發熱。反洒淅惡寒。若有痛處。當發其癰。

其字即指痛處也。

脈微而數。必發熱。弱而數。為振寒。當發癰腫。

脈浮數。身無熱。其形默默。胸中微燥。不知痛之所在。此

當發癰腫。其形默默。有血熱歸心發癰者。



問曰。官羽林婦病。醫脈之。何以知其人腸中有膿。爲下之則愈。師曰。寸口脈滑而數。滑則爲實。數則爲熱。滑則爲榮。數則爲衛。衛數下降。榮滑上昇。榮衛相干。血爲濁。敗。少腹痞堅。小便或澀。或時汗出。或復惡寒。膿爲已成。設脈遲緊。聚爲瘀血。下之則愈。

腸癰之爲病。其身體甲錯。腹皮急。按之濡。如腫狀。

腸癰者。少腹腫。按之則痛。小便數如淋。時時發熱。自汗出。復惡寒。其脈遲緊者。膿未成。可下之。當有血。脈洪數者。膿已成。不可下也。大黃牡丹湯主之。右竝見脈經

腸癰。腹如積聚。按之痛。如淋。小便自調。甚則腹脹大。轉側聞水聲。或繞臍生瘡。或膿從臍出。千金方

黃帝問曰。人病胃脘癰者。診當何如。岐伯曰。診此者。當

候胃脈。其脈當沈細。沈細者氣逆。此指氣口右關胃脈逆者。人迎

甚盛。甚盛則熱。人迎者胃脈也。此指結喉兩旁逆而盛。則熱聚

於胃口而不行。故胃脘為癰也。素問病能論

病有少腹盛。上下左右皆有根。此為何病。可治不。岐伯

曰。病名伏梁。裹大膿血。居腸胃之外。不可治。治之。每切

按之。致死。此下則因陰。必下膿血。上則迫胃脘。出鬲。俠

胃脘內癰。此久病也。難治。居齊上為逆。居齊下為順。勿

動。亟奪。

人有身體髀股肱皆腫。環齊而痛。是為何病。岐伯曰。病

名伏梁。此風根也。其氣溢於大腸。而著於盲。盲之原在



齊下。故環齊而痛也。不可動之。動之爲水溺瀆之病。素問
腹中論

凡人無病。忽大渴。飲水無厭者。三年內當發癰疽。又常
默默不樂。多嗔少喜。時或煩躁者。當發大癰疽也。皆由
血菀熱極之故。凡腸癰之病。其外證必有一足不得曲
伸。內引極痛。

此篇惟乳癰爲婦人專病。其諸癰乃連類及之。他如
胃痛氣厥吐血黃疸黃汗。亦婦人所常患也。不能具

錄。喻氏寓意草有妊娠肺癰案。
洄溪醫案有產後腸癰案。

婦人診候治療之法。當以金匱要畧千金方翼方爲
準。後來各家。可信者甚少。議論陳陳相因。率皆敷淺。



治法或攻消。或滋補。總非真正法門。所尤怪者。胎前產後。無論何病。必以四物加味。傳爲妙訣。真殺人不用刃也。陳脩園謂婦科自古無善書。誠不誣矣。此編多取史載之書者。以其言脈獨詳。但繁雜無緒。是隨時據所診而記也。讀者須細心辨其主客。乃可。再婦人大病。多關奇經。脈經有奇經篇。及末卷手檢圖。論之甚詳。集隘不收。讀者當討論及之。